

四庫全書

集部

欽定四庫全書

集部

庚子山集卷十六

詳校官左都御史臣李紱

檢討臣何思鈞覆勘

總校官進士臣朱餘

校對官編修臣汪學金

謄錄監生臣張裕田

欽定四庫全書

庾子山集卷十六

周 庾信 撰

錢塘倪璠纂註

誌銘

周譙國公夫人步陸孤氏墓誌銘

按步陸孤氏乃譙國公宇文儉之妻也
建德三年儉進爵為王夫人以建德元

年葬時儉
方為公

夫人諱某字某本姓陸吳郡人也

周書云本姓陸
賜姓步陸孤氏大夫

拓境百越來庭丞相勸兵三江席卷

序陸氏之先也史記曰高祖時中國

初定尉佗平南越因王之高祖使陸賈賜尉佗印為南越王今稱臣奉漢約歸報高祖大悅拜賈為大中大夫過秦論曰南取百越之地韋昭曰越有百邑吳志曰赤烏七年以上大將軍陸遜為丞相遜尅關公敗曹休歷著功績三江席捲謂相吳成江表王業也過秦論曰有席捲天下之意史記索隱注韋昭曰三江謂松江錢塘江陽江地理志曰有南江北江中江是謂三江

高祖載為劉義真長史留鎮關

中既沒赫連因即仕魏

周書陸通傳云曾祖載從宋武帝平關中還留載其子義真至

長安遂沒赫連氏魏大武平赫連載任魏為中山郡守

臨終誠其子孫曰樂操土風

不忘本也

左傳苑文子言鍾儀之辭

言念爾祖無違此心

詩云無念爾祖言此

心思歸
吳也

祖政驃騎大將軍儀同三司恒州刺史父通柱

國大將軍大司馬文安公匡贊經綸參謀揖讓名高廣

武功重長平

祖政父通事注見陸暹碑文匡贊經綸參謀揖讓者言天光敗後政歸周文帝為行

臺左丞爾朱氏滅通入關文帝引為帳內督是也郡國志滎陽有廣武城注云漢祖與項籍語處也漢書曰衛青封長平侯言拜大將軍大司馬也夫人七德含章四星連曜敬愛天情

言容禮典

左傳武有七德易曰含章可貞謂坤貞佐其武德也

九日登高作銘秋

菊三元告始或頌春

椒傳充妻辛氏作秋菊頌曰英英麗草熏氣靈和春茂翠葉秋隲

金華布護高原蔓衍靈阿揚芳吐馥載芬載葩爰采爰拾投之醇酒御于王公以介眉壽服之延年佩之黃耆

文園賓客乃用不朽晉書曰劉臻妻陳氏聰辨能屬文嘗正旦獻椒花頌其詞曰旋宮周迴三朝肇建青陽散輝澄景載煥標美靈葩爰採爰獻聖容映之永壽於萬年十有四甥於譙國周明帝武

成元年封皇弟

友其琴瑟愈恭節儉之心伐其條枚實

秉憂勤之德

關雎之詩云琴瑟友之葛覃詩序曰躬儉節用服澣澣之衣汝墳之詩云伐其條枚

毛傳云枚曰條榦曰枚鄭箋曰伐薪於汝水之側非婦人之事以言君子賢者而處勤勞之職亦非其事也

鄴地登高之錦自漑江波平陽采桑之津躬勞蠶月

陸剡

鄴中記曰錦有大登高小登高九域志曰竿橋江水亦名漑錦江俗云以此水漑錦則鮮明後漢卽國志曰河東郡平陽侯國有采桑津左傳僖八年晉侯敗狄於采桑是也天和元年冊拜譙國夫

人東武亭之妻既稱有秩南城侯之婦還聞受封

魏志白鍾

繇封東武亭侯小子鍾會傳注云會為其母傅曰夫人張氏字昌蒲太原茲氏人太傅定陵侯之命婦也王隱晉書羊祜傳曰武帝封祜妻夏侯氏為萬歲鄉君羊祜泰山南城人也

柱國殿下

周武帝天和二

年以大將軍繇國公儉為柱國

以名華分照增城峻土揚旌棘道問政

邛都白狼之溪途艱黃牛之坂荔枝之山地險葡萄之

國

言燕國公使蜀道路之險也周書云儉以天和中出為益州刺史名華若木也山海經曰灰野之山上有

赤樹青葉赤華名曰若木郭璞云生崑崙西附西極其華光赤下照地楚辭曰增城九重漢書地理志捷為郡楚道應劭曰故楚侯國也音蒲北反又地志越雋郡有邛都縣南山出銅有邛池澤右北平郡有白狼縣師古

曰有白狼山故以名縣後漢書西南夷傳曰自汶山以西白狼槃木唐菽等百餘國又云和帝永元十三年旄牛徼外白狼等率種人歸義內屬水經注曰黃牛山下有黃牛灘行者謳曰朝發黃牛暮發黃牛三朝三暮黃牛如故華陽國志曰楚道縣有荔枝

史記大宛傳曰大宛國有蒲萄酒

夫人別離親戚關

河重阻夷歌一曲未足消憂猿鳴三聲沾衣無已

言夫
人與

熊國公至蜀鄉關之思遂爾成疾也後漢南蠻傳曰閩中有渝水其人多居水左右天性勁勇初為漢前鋒數陷陳俗喜歌舞高祖觀之曰此武王伐紂之歌也乃命樂人習之所謂巴渝舞也夷歌即巴楠蠻夷歌也夫人在巴蜀聞此歌不足消憂矣表崧宜都記歌曰巴東三峽猿鳴悲猿鳴三聲沾衣是以天厲之

疾遂成沉痾玉滛難開金膏實遠

山海經曰少室之山其上多玉郭注此山

顛亦有白玉膏服之卽得仙道世人不能上也詩含神
存云又崆山有玉膏其源沸沸湯湯黃帝是饗是食玉
憑玉膏也穆天子傳曰
河伯曰示汝黃金之膏 建德元年七月九日薨於成都

私第春秋二十有一卽以其年十一月二十二日歸葬

長安之北原詔贈譙國夫人禮也殿下神傷秋月掩淚

長松周季直之留書更深冥漠潘安仁之詞藻徒增哀

怨荀粲別傳曰粲婦病亡粲不明而神傷寡婦賦曰長
松萋萋兮振柯周季直書未詳當亦傷妻之所作也

潘岳悼亡賦及哀永逝文皆傷妻
之作岳字安仁滎陽中牟人也 豈直西河女子獨見

銀臺東海婦人先逢金闕張衡思立賦曰聘王母於銀
臺注云王母西王母也銀臺

仙人所居也按西王母居崑崙崑崙為河水之源在西
其西河女子和神仙傳麻姑謂王方平曰接待以來已
見東海三為桑田向到蓬萊水淺淺於往日會時略半
也豈將復為陵陸乎方平笑曰聖人皆言海中復揚塵
也按十洲記蓬萊與方丈瀛洲為三神山漢書郊祀志
此三神山在渤海中黃金白銀為宮闕故蓬萊得稱金
闕矣

銘曰

茭陵反旆椒山止戈金精據嶺昌閣凌波西遊卿相東

裂山河華亭冠冕穀水絃歌

言陸氏之先漢有陸賈吳有陸遜也茭陵反旆椒山

止戈者言漢高弗伐南越魏帝不攻東吳也茭陵椒山未詳左氏傳曰止戈為武金精據嶺者言趙佗自立為南越武王也天官星占太白金之精又月賦曰月以降靈亦曰金精金精月也按左傳鄢陵之戰呂錡夢射月

中之遊入於泥占之曰姬姓日也異姓月也時漢帝為
尊日也南越為卑月也趙佗王越為金精據嶺矣云據
嶺者按史記索隱曰陽山嶺也又云南野大庾嶺三十里
至橫浦有秦時關桂陽有陽山縣今此縣上流百餘里
有騎田嶺當是陽山關昌閻疑閻闔謂吳也吳為水國
故云凌波謂凌江建國也東裂山河華亭冠冕謂陸遜
也時天下三分而吳都江東是為東裂八王故事曰華
亭吳由拳縣郊外墅也西遊卿相毅水絃歌謂陸賈歸
漢也漢都關中故云西遊史記曰陸賈楚人以客從高
祖定天下使南越歸拜大中大夫以好時田善可以家
馬常安車駟馬從歌舞鼓琴瑟侍者十人寶劍直百
金漢書地理志曰毅水出毅陽谷東北至毅城入洛

維徒族燕垂從宦塞入飛狐關連鳴雁策預登阜功參

臨澗寶鼎留銘彫戈餘贊

震維徒族燕垂從宦者謂載
從宋武帝子義真至長安遂

沒赫連也塞入飛狐至瑯戈餘贊謂魏太武平赫連戴
任魏政為驃騎將軍恒州刺史父通參謀機密有匡贊
之功也如淳曰飛狐在代郡山海經曰雁門之山無草
木郭注曰雁門山即北陵西隋雁之所出因以名云在
高柳北皆恒州地也登阜臨澗謂周太祖與齊神武戰
爭之日若廣武鴻溝也實鼎留銘彫戈餘贊者漢書却
祀志曰美陽出鼎獻之中有刻書曰王命尸臣官此祠
邑賜爾祈鸞翻獻彫戈尸臣再拜稽首曰敢對揚天子
丕顯
休命應圖淑令秉禮言歸魚軒馮軾澤雉文衣言夫人
令德也漢書藝文志有劉向列女傳頌圖詩曰言告言
歸左氏傳曰歸夫人魚軒又于玉曰請君馮軾而觀之
澤雉文衣謂陸服也周禮內司服
云禕衣揄狄闕狄是也陸雉也
明月照鏡仙石支機
行雲細起迴雪輕飛蜀王本紀曰武帝丈夫化為女子
蜀王納以為妃無幾物故莫於成

都郭中以石鏡一枚以表其墓荆楚歲時記曰張騫使
大夏奔河源乘槎經月而至一處見織女取支機石與
騫而還高唐賦曰旦為朝雲暮為行雨洛神賦曰飄飄兮若流風之迴雪
北降帝子南麾蜀

守若水既開靈山已鏤月峽猿啼江神牛鬪

帝子謂儉也蜀守謂

儉為益州刺史也華陽國志曰犄牛在邛崃山表邛人
自蜀入度此山甚險難南人毒之故名邛崃有鮮水若
水一名州江劉淵林蜀都賦注曰靈關山名在成都西
南漢壽界華陽國志有明月峽郡國志巴郡枳縣是杜
預益州記曰二江者郫江流江也風俗通曰秦始皇使
李冰為蜀守開成都縣兩江溉田萬頃神須取女二人
以為婦冰自以為女與神婚徑至祠勸神酒酒杯澹澹
因厲聲責之因忽不見良久有兩蒼牛鬪於江峰有間
輒運流江謂官屬曰吾聞疲極不常相助耶南向
腰中正白者我殺也主簿刺殺北面者江神遂死
星機

北轉日轡西迴陽泉伏氣陰律沉灰

星機織女星也日轡日御也楚辭曰

吾今義和弭節兮注云義和日御也史記律書曰十一月律中黃鍾陽氣踵黃泉而出也後漢書律曆志曰候氣之法為室三重加律其上以葭莩灰抑其內瑞榮歷而候之氣至者灰去言葬時十一月也鶴辭

吳市鳳去秦臺神光離合燈影徘徊

吳越春秋曰吳王闔閭葬女於闔闔

門外乃舞白鶴於吳市中令萬民隨而觀之還使男女與鶴俱入延門因機發以掩之殺生以送死列仙傳曰蕭史秦穆公時人善吹簫穆公有女號弄玉好之公遂以妻焉逆教弄玉作鳳鳴為作鳳凰臺夫婦止其上一旦隨鳳凰去洛神賦曰神光離合乍陰乍陽漢書曰李夫人卒工思念不已方士齊人少翁言能致其神迺夜張燈燭設帷帳陳酒肉而令工居他帳遙望好女如李夫人之貌還帷坐而步又不得就視上愈益相思悲感

賦云何靈魂之紛紛兮哀徘徊以躊躇

雙流反葬百兩迴旌少女離位夫

人去城

蜀都賦曰帶二江之雙流雙流二江也言從雙流反葬也百兩車也詩曰百兩將之旌明旌也

周易繫辭曰允為少女漢書曰漢軍乘勝追北至范夫人城張宴曰范氏能詛胡者帷堂野設帳

殿郊營山川奇事風月無情

左氏傳曰聲已不視帷堂而哭禮弓曰尸未毀飾故

帷堂小斂而徹至大斂之節人帷堂以至於殯恒帷堂又云帷殯非古自敬姜之哭穆伯始也

搖落丘

隴荒涼封域樹樹秋聲山山寒色草短逾

一作愈

平松長

轉直節墳方固園陵永植

周趙國夫人紇豆陵氏墓誌銘

按乾豆陵氏趙國公宇文招之妻也武成元年
正平公招為趙國公建德三年招封趙王建德
元年天和之七年也夫人
莫在七年時招方為公矣

夫人諱含生本姓竇扶風平陵人

周書竇熾傳云漢大鴻臚章十一世孫章

子統靈帝時為雁門太守避竇武之難亡奔匈奴逆為部大人後魏南徙子孫因家於代賜姓統豆陵氏累世

任魏皆至大官魏其朝議列侯則莫敢抗禮漢書曰七國破封

士賓客爭歸之每朝議大事安豐奉圖功臣則咸推上

席後漢書曰光武賜竇融以外戚屬國及太史公五宗外戚世家魏其侯列傳後以功封安豐侯就諸侯位

賞賜恩寵傾動京師在功臣之右外戚列傳既聞建武之書光武即位建元為建

武又竇融封建武男後漢書曰融為建武男融小心精
詳每決策東向光武帝欲招之以逼竇述亦發使遺融
書所以慰藉之甚備融既深知帝意乃與隗囂書責讓
之與五郡太守共破囂兵馬上書請師期帝深嘉美之
乃賜融以

外戚屬國仲山古鼎或表單于之獻

後漢書竇憲傳曰單于遺憲古鼎容

五斗其傍銘曰仲山甫鼎其萬年子孫孫永保用憲
乃上之拜憲大將軍封建武陽侯紇豆陵氏本出竇姓若
仲山古

祖略少保建昌郡公

周書云平遠將軍以熾勳贈少保柱國大將軍建昌

公

周書作熾

柱國大將軍大宗伯鄧國公孟津大誓常

預同德之臣咸陽遠約克贊先登之主

言北魏西遷熾有從駕之功也

周書竇熾傳云帝與齊神武有隙以熾有威重堪處爪
牙之任從帝西遷與高金龍戰於千秋門敗之因入宮

城又大統元年復擒寶泰復弘農戰沙苑皆有功尚書
武王伐殷師渡孟津作泰誓漢書高帝紀元年西入咸
陽項羽引兵西屠咸陽使入還報懷王懷王曰如約羽
曰懷王者吾家所立耳非有功伐何以得專主約是違
約也
竝得位入六府功參八柄尚書曰六府金木水火土
穀也周禮曰太宰以八柄

詔王馭羣臣爵祿
予置主奪廢誅也
夫人有文在手有象應圖左氏傳曰
宋仲子生

而有文在其手曰為魯夫人正義曰隸書起於秦末手
文必非隸書石經古文魯作象手文客或似之其文及

夫人固當有似之者也
劉向著列女傳頌圖
榮曜夙彰徽華早茂肅恭以禮

受教於公宮言容以德有聞於師氏詩曰言告師氏毛
傳曰師女也古者

女師教以婦德
婦言婦容婦功
及乎進賢君子內主邯鄲琴瑟在堂韜

駢是服

詩序曰卷耳后妃之志也又當輔佐君子求賢審官知臣下之勤勞內有進賢之志而無險詭

私謁之心朝夕思念至於憂勤也即鄆趙地言歸於趙

國公也輜駟有擁蔽之車也列女傳曰齊孝公華孟姬

謂公曰妾聞后妃踰

闕必乘安車輜駟長之於節不無秋菊之銘履端於

始或有椒花之頌

注見步陸孤氏誌銘

豈止莊姬掩口

一作笑

楚

相知慙定姜問兆齊兵不入

劉向列女傳曰楚姬者楚莊王之夫人也莊王即位

好田獵樊姬諫不止乃不食禽獸之肉王改過勤於政

事王嘗聽朝罷宴姬下殿迎曰何罷宴也得無穢倦乎

王曰與賢者俱不知穢倦也姬曰王之所謂賢者何也

曰虞丘子也姬掩口而笑王曰姬之所笑何也曰虞丘

子賢則賢矣未忠也王曰何謂也對曰妾執巾櫛十一

年違人之鄭衛求美入進於王今賢於妾者二人同列

者七人妾豈不欲擅王之寵愛乎妾聞堂上兼女所以
觀人能也妾不能以私蔽公欲王多見知人能也妾聞
虞丘子相楚十餘年所薦非子弟則族昆弟未聞進賢
退不肖是蔽君而塞賢路知賢不進是不忠不知其賢
是不知也妾之所笑不亦可乎王悅明日王以姬言告
虞丘子丘子避席不知所對於是避舍使人迎孫叔敖
而進之王以為令尹治楚三年而莊王以霸楚史書曰
莊王之霸樊姬之力也左傳襄十年曰衛侯殺宋師於
襄牛鄭皇耳帥師侵衛孫文子追之獻兆於定姜姜氏
問繇曰兆如山陵有夫出征而喪其雄姜氏曰征者喪
雄禦寇之利也大夫圖之衛人
追之孫蒯獲鄭皇耳於大丘

武成二年冊拜趙國公

夫人漢王聞立義之婦邑以延鄉齊侯見有禮之妻封

之石窳異代同祭差無慙德

陳留風俗傳曰延丘者衛地也故燕之延鄉高祖與

項氏戰敗有程母者免其難故以廷鄉封焉左傳成三年
年葦之戰齊侯見保者曰勉之齊師敗矣辟女子女子
曰君免乎曰免矣曰銳司徒免乎曰免矣曰苟君與吾
父免矣可若何乃奔齊侯以為有禮既而問之辟司徒
之妻也予之石筭杜注石筭邑
名濟北盧縣東有地名石筭 柱國殿下居若木之一

枝在天潢之別派

言趙國公姓宇文出自國族也楚辭曰折若木以拂日史記天官書曰王

良旁有八星絕漢曰天潢

揚旌玉壘驅傳銅陵南通向日之民東被

無龍之國

周書趙王招傳云保定中拜為柱國出為益州總管華陽國志曰杜宇相開明決玉壘山

以除水害揚雄蜀都賦曰西有鹽泉鐵冶楠林銅陵漢書地理志曰日南郡故秦象郡屬文州師古曰言其在日之南所謂開北戶以向日者又北景縣如淳曰日中於頭上景在已下故名無龍疑無雷西域傳無雷國王

治盧城東北
至都護治所
夫人從政月峽贊德雲門錦濯江波還臨

織室出明石鏡即對粧樓

華陽國志曰枳縣有明月峽蜀都賦曰决渠石以為雲門

又華陽國志曰蜀郡西城故錦官也錦江織錦濯其中則鮮明濯他江則不好故命曰錦里也又曰武都有一丈夫化為女子美而艷蓋山精也蜀王納為妃不習水土欲去必欲留之乃為東平之歌以樂之無幾物故蜀王哀之乃遣五丁之武都擔土為妃作冢蓋地數畝高七丈上有石鏡今成都比角武擔是也既而玉律頻移金爐不變

續漢書曰候氣之法殿中候用玉律十二惟二至乃候靈臺用竹律六十

胡香四兩嗟西域之使稀靈草一株

一作枝

恨瓊田之路

絕東方朔十洲記曰聚窟洲人鳥山多大樹與楓木相類而花葉香聞數百里名為反魂樹扣其樹亦能自

作聲聲如羣牛吼聞之者皆心驚神駭伐其木根心於
玉釜中煮取汁更燉火煎如黑腸狀令可丸之名曰驚
精香或名震靈丸或名反生香或名震檀丸或名烏
精或名却死香一種六名斯靈物也香氣聞數百里死
者在地聞香氣乃却活不復亡也以香薰死人更加神
驗征和三年武帝安定西胡月支國王遣使獻香四兩
大如雀卵黑如桑椹帝以香非中國所有以付外庫後
元元年長安城內病者數百亡者大半帝取月支神香
燒之於城內其死未三日者皆活香氣經三月不散於
是信知其神物也乃更秘錄餘香後一旦又失之檢函
封印如故無復香也帝愈懊恨恨不禮待於使者益貴
方朔之遺語自愧求李君之不勤慙衛卿於階庭矣明
年帝崩於五祚宮已亡月支國人烏山震檀却死香也
向使厚待使者帝崩之時何緣不得靈香之用耶自合
覆命矣又曰祖洲近在東海之中地方五百里去西岸
七萬里上有不死之草草形如菰苗長三四尺人已死

三日者以草覆之皆當時活也服之令人長生昔秦始皇大宛中多枉死者橫道有鳥如鳥狀銜此草覆死人而當時起坐而自活也有司聞奏秦始皇遣使者齋草以問北郭鬼谷先生先生云此草是東海祖洲上有不死之草生瓊田中或名為養神芝其葉似菰苗不叢生一株可活一人始皇於是慨然言曰可採得否乃使使者徐福發童男童女五百人率楫樓船等入海尋祖洲遂不返福道大也字君房後亦得道也

天和五年四月二十二日薨於成都之錦城春秋二十孫子荆

之傷逝怨起秋風潘安仁之悼亡悲深長輩

晉書曰孫楚字子荆

太原中都人也楚除婦服作詩以示王濟濟曰未知文生於情情生於文覽之悽然增伉儷之重又曰潘岳字安仁哀永逝文悼亡賦皆傷妻之詞也况復仙臺永別無復蕭聲傳母長

歸惟留琴曲

仙臺卽蕭史弄玉吹蕭鳳臺事注見前篇列女傳曰傅母者齊女之傅母也女為衛

莊公夫人號曰莊姜母喻之作詩曰碩人其碩衣錦紈衣齊侯之子衛侯之妻東宮之妹邢侯之姨譚公維私厲女之心以高節女遂感而自修君子善傅母之防未然也按國風為絲聲碩人之詩為琴曲也 七年

二月日歸葬於長安之洪瀆原詔贈趙國夫人禮也雲

雨去來既留連於楚后光陰離合實惆悵於陳王

宋王高唐

賦曰楚襄王與宋玉遊於雲夢之臺望高堂之觀其上獨有雲氣所謂朝雲也陳王曹植也洛神賦曰神光離

合作陰 銘曰

河西斗絕觀津孤起章武賢臣安豐賢

疑作貴

仕

後漢書曰竇融

世任河西為吏又曰河西斗絕在羌胡中注斗峻絕也
前書成山斗入海漢書外戚傳曰竇少君聞皇后新立
家在觀津姓竇氏廣國去時雖少識其縣名及姓又嘗
與姊採桑墮用為符信上書自陳皇后持之而泣乃厚
賜之後封章武侯是孫起也
廣國封章武侯融封安豐侯

木樓千仞金山萬里紹慶

邢姨基昌宋子

後漢書竇固傳固與耿秉秦彭等絕漢
六百餘里至三木樓山金山疑即金微

山也後漢和帝紀曰耿夔固北單于於金微山言竇氏
亡奔匈奴也詩碩人云邢侯之姨毛傳曰妻之姊妹曰

姨又衡門云豈其娶妻
必宋之子箋云宋子姓
施衿趙北侍母秦南絃綖禮數

厭狄駢駢

說文曰衿交社也毛萇曰女施衿結悅施衿
趙北謂聘於趙國也侍母秦南謂招為蜀州

總管也魯語曰王后親織玄紉公侯之夫人加之以絃
絃韋昭曰冕曰絃絃纓之無絳者也從下而上不結綖

冕上之覆也鄭康成曰狄當為翟翟雉也毛詩傳曰義
車乘厭翟正義曰王后五路重翟為上厭翟次之

超江汜仁流葛覃玉筐迎鶯金籠助蠶

詩序曰江有汜美滕也鄭箋曰

喻江水大汜水小然得竝流似嫡媵宜俱行詩序曰葛
覃后妃之本化天下以婦道也呂氏春秋曰有城氏二

女為九成之臺飲食以鼓帝命鶯住視之鳴若隘隘二
女愛而爭搏之覆以玉筐少選發而視之燕遺卵而北

飛遂不返高誘曰帝天也天命燕降卵於有城氏女吞
之生契也毛詩傳曰方曰筐圓曰筥釋鳥云葛周燕燕

郭璞曰一名玄鳥齊人呼鳥孫炎曰別三名舍人曰葛
周名燕燕又名駝孟子云禮曰夫人蠶繅以為衣服績

漢書曰賁人助蠶璫瑁釵敬愛純深端莊淑問有光國
加替珥此言米桑躬織也

史無形喜愠舉案外恭停機下訓馨馥於蘭年華於舜

續列女傳曰梁鴻妻每進食舉案齊眉不敢正視列女傳曰孟子之少也既學而歸孟母以刀斷其織曰子之廢學若吾斷斯織也孟子懼旦夕勤學不息師事子思遂成天下之名儒蘭香草也詩云有女同車顏如舜華毛傳葦木槿也釋草云板木槿樾木槿樊光曰別二名也其樹如李其華早生暮落與草同氣故在草中風

雨消散神靈離絕婺女還星姮娥歸月

漢書曰北宮有婺女星占曰婺

女為既嫁之女也易歸藏曰昔姮娥以不死之藥奔月

左楹夕奠高堂朝發空揚

凌波更無迴雪

史記孔子曰夏人殯於東階周人於西階殷人於兩柱間昨暮子夢坐奠兩柱

之間繆熙伯挽歌朝發高堂工暮宿黃泉下洛神賦曰凌波微步羅襪生塵又云飄飄兮若流風之迴雪下

濕曰隰高平曰原

爾雅文也

西臨火井北望寒門猶垂雉服

尚駕魚軒

相如大人賦軼先駟於寒門應劭曰寒門北極之門也鄭康成周禮內司服禕衣衿狄闕

狄注云狄當為翟雉名伊洛而南素質五色皆備文章曰翟江淮而南青質五色皆備成章曰翟王后之服刻繒為之形而采畫之綴於衣以為文章禕衣畫鞞者衿翟畫搖者闕翟刻而不畫此三者皆祭服從王祭先王則服禕衣祭先公則服衿翟祭羣小則服闕翟今世有圭衣者蓋三翟之遺俗又外內命婦之服注云三夫人及公之妻其闕狄以下乎侯伯之夫人衿狄子男之夫人亦闕狄惟二王後禕衣純豆陵為國公之妻按古制當服闕翟矣杜預左傳注云魚軒夫人車以魚皮為飾

平原忽矣天道何言山廻

地市路沒滕城

辛氏三秦記曰驪山始皇陵作地市生死人交易市平不得欺死人獨異志曰

漢夏侯嬰以功封滕公及死將葬未及墓引車馬踏地不前使人掘之得一石室室中有銘曰佳城鬱鬱三千

年見白日吁嗟滕公
居此室遂改卜焉

松悲鶴去草亂螢生新雲別起舊

月孤明賢墳永式節隴常貞

周安昌公夫人鄭氏墓誌銘

周書元偉傳大將軍納言小司空荊州總管
安昌郡公元則隋志永安黃陂縣周安昌郡

夫人諱某滎陽陽武人也周宣王之母弟俾侯於鄭鄭

莊公之重世卿士於周以國為族自茲而始

左傳僖二
十四年曰

鄭有平惠之勲又有厲宣之親杜注曰鄭始封之族祖
公友周厲王之子宣王之母弟又隱三年曰鄭武公莊
公為平王卿士杜注曰卿士王
卿之執政者言父子秉周之政祖瓊太常恭侯

周書云
范陽郡

守贈安東將軍青州刺史

父穆司空貞公

周書列傳云鄭孝穆字道和榮陽開封人為少司空

諡曰貞

西京賦詩奉常叅栢梁之宴東都言讖司空為武

衛一作武之官

漢書曰奉常秦官掌宗廟禮儀有丞景帝六年更名太常師古曰太常王者旌旗也

畫日月馬王有大事則建以行禮官主奉持之故曰奉常也後改曰太常尊大之義也武帝元封三年作栢梁臺詔羣臣二千石有能為七言詩乃得上坐太常周建德云禮鐘伐鼓聲中詩袁宏後漢紀曰建武元年野王令王梁為大司空封武侯初赤伏符曰王梁主衛作主武上以野王衛侯也主武水神也司空水土之官也乃以梁為大司空上云奉常謂祖瓊為太常也下云司空謂父穆為司空也

籍連帝譜既同

盤石門稱通德無廢儒林

鄭孝穆傳云賜姓宇文氏是與周同譜也後漢書鄭玄傳

曰高密縣為玄特立一鄉曰鄭公鄉題其門號為通德門夫人禮義閨門端莊令淑

采采芣苢萋萋葛藟

毛詩傳曰芣苢馬馬馬車前宜懷妊馬郭璞曰今車前草大葉長

穗好生道邊江東呼為蝦蟆衣陸璣疏云馬馬名車前一
一名當道喜在牛跡中生故曰車前當道也幽州人謂
之牛舌草可嚮作茹大滑其子治婦人難產鄭箋曰葛
延蔓於谷中喻女作父母之家形體浸浸日長大也葉
萋萋然喻其
容色美盛也及乎作配君子言事舅姑下氣怡聲承中

奉帚親戚惟禮閨闈以睦

禮記內則曰以遠父母舅姑之所及所下氣怡聲又曰進

盥少者奉槃長者奉水請沃盥卒授中鄭注云槃承盥水者中以悅手

保定二年冊拜榮

陽郡君序戚升榮從夫有秩豈惟立義

一作德

之婦邑以

延鄉有禮之妻封之石窀

注見前篇統
豆陵氏誌銘

大將軍沉犀二

江夫人聞猿三峽明月靈關之阻秋風蜀道之難

言安
昌公

出鎮益州夫人偕行道路之難遂以疾卒也益州記曰
伏犀灘東南二十里有黃魚道岸今在楚道縣界拈地

志曰二江竝在益州成都縣界杜預益州記曰二江耶
江流江表崧宜都記曰峽中猿鳴至清山谷傳其響冷

冷不絕行者歌曰巴東三峽猿鳴悲猿鳴三聲淚沾衣
華陽國志曰枳縣有明月峽蜀都賦曰廓靈關而為門

劉逵注曰靈關山名在成都西南漢壽縣界水經注曰
自蜀西至邛笮其至險有弄棟八渡之難楊母閣路之

阻掩以瑤華先從春露

楚辭曰折疎麻兮瑤華將以遺
兮離居王逸注曰瑤華謂麻之

白華也漢書李陵
曰人生如朝露

天和十八年五月二十日薨於成都

春秋三十有六詔贈安昌國夫人禮也即以其年十一

月十六日歸葬於咸陽之白起原遂使山廻反壤先封

節婦之陵日入虞淵實掩賢姬之墓

禮弓國子高曰葬也者藏也藏也者

欲人之弗得見也是故衣足以飾身棺周於衣椁周於棺土周於椁反壤樹之哉淮南子曰日至于虞淵

是謂高春嗚呼哀哉乃為銘曰

天河開國分畿置政地有十城人居九命

言鄭氏有國之始也史記

鄭世家桓公問太史伯曰王室多故予安逃死乎史伯曰獨洛之東土河濟之南可居地近虢鄆之君貪而好利百姓不附今公為司徒皆愛公公誠居之觀鄆之君見公方用事輕分公地公誠居之觀鄆之民皆公

之民也及王東徙其民洛東而號卽果獻十邑竟國之
虞翻曰十邑謂號卽卽蔽蒲丹依味愿華也博物志曰
舊說云天河與海通天河開國謂鄭國都於河南豫州
之地也周宣王母弟友封於畿內地理志京兆鄭縣是
桓公之子武公與平王東遷洛邑遂伐號卽而并其地
是為新鄭地理志河南新鄭是是分畿置政也其國在
河洛之間故云天河言黃河之水與天通也十城謂十
邑也人居九命者鄭國伯爵齊周禮曰九命作伯又按左
傳策命晉侯為侯伯此九命作伯之伯特尊於侯異於
五等之爵鄭伯未居九命在侯之下故魯以周班後鄭
蓋借稱矣
疇昔之邑今茲成性識履傳風叅輿留慶
史記韓哀侯滅

鄭并其國鄭之子孫以國為氏漢書曰哀帝推鄭崇為
尚書僕射數求諫爭上每見曳革履笑曰我識鄭尚書
履聲晉書曰武帝出祀
南郊詔使鄭默縣乘

三星在戶百兩言歸

三星在戶國風綢繆

之詩毛傳曰參星正月月中直戶也鄭箋曰心星在戶謂
之五月之末六月之中毛傳曰百兩百乘也諸侯之子
嫁於諸侯送御皆百乘又詩
曰言告言歸傳云言我也 虔恭內政榮曜中闈承姑

奉盥訓子停機

內則曰進盥少者奉槃左氏傳曰懷羸
奉盥沃盥說文曰盥澡手也從白水臨

皿盥古緩反列女傳曰文伯退朝朝敬姜敬姜方績又
孟子既學而歸孟母方績問曰學所至矣孟子曰自若
也孟母以刀斷其織曰子
之廢學若吾斷斯織也 桑園蠶織錦室鸞飛珩璜節

步藻火文衣

詩云雜佩以贈之毛萇曰珩璜瑪瑙衡牙
之類釋文珩音衡佩上玉也半璧曰璜孔

安國曰藻水草有文者火
為火字杜預曰火畫火也 巴女幽咽猿鳴斷絕月落珠

傷春枯桂折

巴水猿鳴注見本序呂氏春秋曰月望則
蚌蛤實羣陰盈月晦則蚌蛤虛羣陰缺漢

武帝悼李夫人賦
曰桂枝落而銷亡
趙琴長辭秦蕭永別
貞姬掩隧節女

封墳

趙琴疑卽趙瑟楊惲報孫會宗書婦趙女也雅善鼓瑟琴瑟通稱矣左氏傳曰晉侯請隧杜注云闕

地通路曰隧王之葬禮也正義曰隱元年傳闕地及衆隧而相見是闕地通路曰隧也禮記鄭注曰封謂聚土

為墳洛濱無月荆臺失雲鳥悲傷聽松聲愴聞千年遂古

百代餘芬

洛濱無月者曹植洛神賦曰流盼乎洛川又云鬋鬋兮若輕雲之蔽月荆臺失雲者宋玉

高唐賦曰楚襄王游雲夢之臺玉對曰所謂朝雲者也

周大將軍隴東郡公侯莫陳君夫人竇氏墓誌銘

夫人諱某扶風平陵人也章武開國名高外戚之右安

豐入朝位在功臣之上

漢書曰竇后弟廣國字少君為
廷讓君子不以富貴驕人文帝

崩景帝立皇后為皇太后乃封廣國為章武侯後漢書
曰竇融封安豐侯賞賜恩寵傾動京師在功臣之右

祖以孝昌之始主諾淮陽父以正光之初寨帷海岱孝昌

正光魏明帝年號魏孝昌元年梁之普通六年也魏正
光元年梁之普通元年也後漢書曰汝南太守范滂博
南陽宗資惟畫諾又寨帷
賈琮事馮異海岱惟青州夫人生於禮義之門宗於箴

誠之德張華作女史箴
曹大家作女誠虔恭惟禮令淑惟儀及乎百兩

言歸三星在戶箴盥始事條枚是則有子從政猶無逸

豫之心有夫出征自識山陵之兆

國語曰公父文伯
退朝朝其母其母

方績文伯曰以歎之家而主猶績懼于季孫之怒也其
以歎為不能事主乎其母嘆曰魯其亡乎使童子備官
而未之聞耶昔聖王之處民也擇瘠土而處之勞其民
而用之故長王天下夫民勞則思思則善心生逸則淫
淫則惡心生沃土之民不材淫也瘠土之民莫不嚮義
勞也列女傳曰鄭皇耳帥師侵衛孫文子卜追之獻兆
於定姜曰兆如山林有夫出征而喪其雄定姜曰征者
喪雄禦寇之利也大夫圖之衛人追之獲鄭皇耳於大
丘君子謂定姜達於事情事出左傳

大統十六年冊授永安郡君婦以夫

尊親由子貴朝章家慶

一作成家之慶

兼而有之保定二年改

授隴國夫人車服禮數袿褙典則有美河魴足光彤史

車服所謂五路六服也方言曰袿謂之裾釋名曰婦人
上服謂之袿詩云親結其褙爾雅婦人之褱謂之褱褱

結也郭注曰即今之香纓也禕卯交落帶繫於體因名為禕縷繫也詩衡門云豈其食魚必河之魴豈其娶妻必齊之姜靜女之詩云貽我彤管毛傳曰古者后夫人必有女史彤管之法既而風霜所及

厲一作

灰琯遂侵與善何言至於大漸天和六年四月七

日薨春秋六十有六即以其年十月十日遷葬於咸陽

萬年縣之杜原

一作咸陽
若安原

山形起伏既符白鶴之祥地

勢風烟乃合青鳥之氣

陶侃別傳曰侃丁母憂在墓下
忽有二客來弔不哭退羽儀鮮

吳知非常人遣隨視之但見雙鶴冲天而去按相冢書有青鳥子後漢書王景傳曰冢宅禁忌注云送葬造宅

之法若黃帝
青鳥之書也
銘曰

觀津世族平陵豪姓四侯登仕三君從政

漢書外戚傳曰竇皇后親

蚤卒矣觀津人竇嬰傳曰父世觀津人也地理志觀津屬信都國師古曰觀音工與反後漢書曰竇融扶風平陵人也四侯謂竇氏之先竇嬰為魏其侯長君子南皮侯少君為章武侯竇融為安豐侯也三君按竇融傳曰竇氏一公兩侯注云一公大司馬也兩侯安豐顯親也疑此三君矣依本序文當稱竇融又按竇氏亦有稱三君者後漢書黨錮傳曰指天下名士為之稱號上曰三君竇武劉淑陳蕃為三君君者一世之所宗也竇武字游平扶風平陵人安豐戴侯融之玄孫也又疑作二君漢書曰竇后兄長君弟廣園字少君崔駰曰竇氏二君以淳淑守道成名

白狼建功丹蛇襲慶漢之廣矣先聞淑令

言祖

父有功魏室復生此令淑之女也漢書地理志古北平郡有白狼縣師古曰有白狼山故以名縣陳留風俗傳

曰沛公起兵野丘野野戰喪皇妣於黃鄉天下平乃使使者禱宮招魂幽野有丹蛇在水自洗灌入於禱宮其浴處仍有遺髮故謚曰昭靈夫人或竇氏亦神元皇后之族耶詩序曰漢廣德廣所及無思犯禮求而不可得也詩云漢之廣矣不可泳思

君子朝端賢才家政簪珥以禮軒車以

命君子謂侯莫陳君也賢才謂夫人也列女傳曰周宣姜后順而有德事非禮不言行非禮不動宣王常早

臥宴起姜后脫簪珥待罪於永巷王勤於政事早朝宴退服虔曰車有藩曰軒按以命言有命數

讓果成

廉推珠止競

孔融家傳曰兄弟七人融第六幼有自然之性年四歲時與諸兄共食梨融輒引小

者大人問其故答曰我小兒法當取小者由是宗族奇之列女傳曰珠崖令卒於官妻送喪漢法內珠入闕者死妻棄其係臂珠前妻子初九歲好而取之置其母鏡奩中母不知也至闕吏搜索得珠劾問誰當坐者初曰

我當坐離母請曰幸無勅兒誠不知也妾當坐初又曰
夫人哀初之孤欲以活初耳因號泣傍人莫不酸鼻隕
涕闕史執筆不能就一字乃棄珠
達之二語謂夫人訓子女成禮也
百年超忽千金莫恃

室謝賢夫庭辭貴子歸鞍輟露采繁廢祀室委眠蠶衣

留畫雉

畫雉謂翟服也翟雉也又疑為車衣喪大記所謂振容是也釋云謂于竹池之內畫搖雉于絞

繒之上垂之于下車行振動以為容儀也

雲垂下澤日掩高春空帷舊館虛

幕新封

淮南子曰八澤之雲是兩九州淮南子曰日至虞淵是謂高春至于連日是謂下春禮弓曰孔

子之衛遇舊館人之喪入而哭之哀使子貢說駟而聘之山迴廣柳路沒深松游魂

幾變大人何從

周易曰游魂為變漢書張博曰王遇大人益解注謂母也

周冠軍公夫人烏石蘭氏墓誌銘

漢書冠軍屬南陽郡魏書官氏志云盟石蘭氏後改為石氏

夫人諱某樂陵人也晉司徒樂陵公苞後子孫就封因

即家焉

烏石蘭氏其先本姓石氏晉石仲容之後也晉書曰石苞字仲容渤海南皮人也武帝踐阼拜

大司馬進封樂陵郡公扶風舊城猶存鐵市河陽故墅尚餘金谷

世詒曰初青龍中石苞驚鐵於長安得見司馬宣王宣王知為後推為尚書郎歷青州刺史鎮東將軍晉書曰苞有六子少子崇崇有別館在河陽之金谷一名梓澤送者傾都帳飲於此焉或寓燕郵仍仕

代郡祖行代郡尹父魏司空蘭陵郡公司空佐命魏朝

少傅丞凝周室竝為大族俱蒙賜姓秦晉匹也是曰通

家

司空謂穆亮太傅謂于謹魏官氏志太和十九年詔今司空穆亮等詳定北人姓於是升降區別矣周書

孝閔踐阼于謹遭太傅魏恭帝元年謹平江陵以諸將功高者為三十六國後次功為九十九姓後言烏石蘭

兩定大姓歸字夫人年十七歸於宇文氏淑令端莊舍

文連婚帝族也

文連婚帝族也

章貞吉坤卦箴盟惟儀閨闈已正某年除金鄉郡君某

年改授冠軍夫人四德小君宜其家室三事內主翻辭

贊務

毛詩傳曰四德婦德婦言婦容婦功也論語曰夫人自稱曰寡小君尚書曰三事大夫敬爾有官按

左傳大夫稱主如范宣子撫荀偃曰事吳敗不如事主醫和謂趙文子曰主是謂矣如此之類其文多矣列女

傳曰敬姜力績文伯曰以歌之家而主猶績懼于季孫之怒其以歌為不能事主乎是婦人亦稱主大夫之妻為內主矣以保定五年四月遘疾薨時四十有四即以其年

某月日歸葬於京兆之某原人世風烟山川超忽凌波

疑作陵

青麥儻逢貞女之墳隴首白楊或表賢姬之墓

莊子

曰青青之麥生陵之陂生不布施死何含珠古詩曰驅車上東門遙望北郭墓白楊何蕭蕭松柏夾廣路下有陳死人香者即長幕潛瘞黃泉下千載永不寤本草曰白楊北土極多人種虛墓間樹大皮白乃為銘

曰

三星麗天五嶽鎮地禮有其秩人居其位燕趙多奇山

川雄氣

詩曰三星在戶爾雅曰河南華河西嶽河東岱河北恒江南衡是也周禮鄭注曰鎮名山安地

德者也又為五嶽言天有三星地有五嶽公侯夫人居其秩位也燕趙言其世寓燕郵或仕代郡得山川之雄

也代趙地也

挺茲令淑惟此含章玉生庭照蘭開室香邢姨

裝服宋子河魴

言夫人生而令德也周易曰含章可貞晉書曰謝安嘗戒約子姓曰子姓亦何

豫人事而正欲使其佳立答曰譬如芝蘭玉樹欲其生

於庭堦耳詩碩人云碩人其頡衣錦裝衣又云邢侯之

姨毛傳曰夫人德威而尊嫁則錦衣加裝禮鄭箋曰裝

禪也國君夫人翟衣而嫁今衣錦者在塗之所服也尚

之以禪衣為其文之太著玉藻云禪為網釋文裝說文

作裝糸屬也詩衡門云豈其娶妻必宋之子又云豈其

食魚必河之魴鄭箋云宋子姓爾雅曰魴魴郭璞注云

江東呼魴魚為魴一名魴陸璣云魴今伊洛濟潁魴魚

也廣而薄肥恬而少肉細鱗魚之美者遼東梁水魴特肥而厚尤美於中國魴故其鄉語曰居就糧梁水魴是也魴音房

百兩言歸九儀從聘榆狄七采軒車六命鼎

室辭親槐庭贊政

言夫人嫁於宇文為命婦也毛傳曰諸侯之女嫁於諸侯送御皆百乘百

兩百乘也周禮王后六服有禕衣榆狄闕狄鄭注曰狄當為翟翟雉名又外內命婦之服注云侯伯之夫人榆翟服虔曰車有藩曰軒左氏傳曰晉將嫁女於吳齊侯使析歸父媵之以藩載樂盈及其士杜預云藩車之有障蔽者衛風碩人云翟第以朝毛傳曰夫人以翟羽飾車第蔽也疏云婦人乘車不露見車之前後設障以自隱蔽謂之第因以翟羽為之飾此云軒車六命蓋重翟厭翟之類有命數也鼎室辭親謂辭烏石蘭氏槐庭贊政謂贊宇文氏也夫人為蘭陵公女復為冠軍公妻三公調和鼎鼎故云鼎室三槐三公位焉故云槐庭世

為閱水人成大夢迴帳山門移燈泉洞金棗長含銀蠶

永送

陸機歎逝賦曰山川閱水以成川莊子曰大覺而後知其大夢也按山門墓門黃圖曰陵冢為山謝莊

武宣貴妃諱曰重高閔兮燈已黯中泉寂兮此夜深抱朴子曰吳景帝時成將於廣陵拙諸冢取版以治城發一大冢從死人懷中透出墮地兩耳及鼻孔中皆有黃金如棗許大此則骸骨有假物而不朽之效也蜀本紀曰始皇陵有銀蠶金雀

香填栢柳路閉松城悲鸞獨景雄劍孤鳴

留連趙琴

疑作瑟

悽愴秦笙

左氏傳曰范獻子去魏獻子栢柳松城卽夏侯嬰墓銘所

謂佳城鬱鬱是也見西京雜記范泰鸞鳥詩序曰昔蜀賓國結宜峻卯之山獲一鸞鳥王甚愛之三年不鳴其夫人曰嘗聞鳥見其類而後鳴何不縣鏡以映之王從其言鸞睹影悲鳴冲霄一奮而絕吳越春秋名劍二枚

一曰干將二曰莫邪莫邪干將之妻也趙琴疑作趙瑟漢書楊惲報孫會宗書曰婦趙女也雅善鼓瑟秦笙卽蕭史吹蕭事笙蕭通稱矣

周太傅鄭國公夫人鄭氏墓誌銘

太傅鄭國公夫人達奚武之妻也周明帝武成元年以高陽公達奚武為鄭國公武帝天和三年以太保鄭國公達奚武為太傅

夫人諱某滎陽開封縣遠里人也七子賦詩足光賓客

三卿從政實靜諸侯

序鄭氏之先本鄭國也左傳襄二十七年曰鄭伯享趙孟於垂隴子

展伯有子西子產子太叔二子石從趙孟曰七子從君以寵武也請皆賦以卒君貺武亦以觀七子之志子展

賦草蟲伯有賦鶉之賁賁子西賦黍苗之四章子產賦
隰桑子太叔賦野有蔓草印段賦蟋蟀公孫段賦桑扈
辛享文子告叔向曰伯有將為戮矣其餘皆數世之主
也子展其後亡者也在上不忘降印氏其次也樂而不
荒樂以安民不淫以使之後亡不亦可乎又傷七年
管仲曰鄭有叔詹堵叔師叔三良為政未可間也 駱

乘則晉后停輿來朝則漢君識履華胄蟬聯無虛史籍

晉書曰武帝出祀南郊詔使鄭默勝乘漢書曰鄭崇
為尚書僕射每見曳革履上笑曰我識鄭尚書復聲祖

那秦州別駕父茂伯撫軍將軍涼州刺史伯陽縣侯夫

人令淑早聞芝蘭獨茂既容既德言告言歸毛詩曰言
告師氏言

告言歸傳曰古者女師教
以婦德婦言婦容婦功悌實溫清恭惟箴盤禮記曰
冬溫而

夏清內則曰右佩箴
管線纒管字或作盥

太傅弼諧周室股肱攸寄

太傅達
真武也

周書列傳云達真武字成興代人也少調儻好馳馬為
賀拔岳所知及岳為侯莫陳悅所害武收岳屍歸平涼

同翊戴太祖從平悅齊神武與竇泰高敖曹三道來侵
從太祖擒竇泰斬高敖曹進位大將軍平劍北振旅還

京師齊將高苟子攻新城武邀擊之悉虜其衆孝閔踐
作拜柱國大司寇武成初進封鄭國公天和三年轉太

傅
夫人輔佐君子勤勞是司琴瑟既友條枚無伐故得

用之邦國成之孝敬

卷耳詩序云又當輔佐君子求賢
審官知臣下之勤勞闕雅詩云琴

瑟友之汝墳詩云伐其條枚闕雅詩序曰關雅后妃之
德也風之始也所以風天下而正夫婦也故用之鄉人

馬用之邦國焉又云先
王以是經夫婦成孝敬

某年月日封鄭國夫人

當是武
成元年

綌既加紘紼是務

周禮鄭注曰綌雄名侯伯之夫人綌左氏傳曰衡紼紼社預注

曰紘纒從下而上者紼冠上覆疏云魯語稱公侯夫人織紼紼知紼亦織而為之紼冠上覆者冕以木為幹以元布衣其工謂之紼論語尚書皆云麻冕知其常用布也孔安國論語注曰言績麻三十升以為冕即是紼也

夫

集有人字今衍

有安世之貴躬服浣濯子有文伯之尊無忘

機杼

漢書曰張安世尊為公侯食邑萬戶然身衣弋絺夫人自紡績家僮七百人皆有手技作事內治產

業累績織微是以能殖其貨富於大將軍光詩序云服浣濯之衣列女傳曰魯季敬姜者莒女也號戴已魯大夫公父穆伯之妻文伯之母博達知禮文伯退朝朝敬姜敬姜方績文伯曰以歎之家而主猶績懼于季孫之怒其以歎為不能事主乎敬姜嘆曰魯其亡乎使童子備官而木之聞也男女幼績否有辟古之制也仲尼曰

季氏之婦不淫矣婦人以織紉為事休之非禮也

表裏惟安閨闈且正醫門有

疾對藥無徵天和三年三月二十日薨葬於長安之石

安原世子某兄弟竝勗慈訓咸遵母儀霜露深悲寒泉

增慟銘曰

居德圃田當官教府置騎賓來開黌學聚

左傳定四年祝鮀曰封吟

土略自武父以南及圃田之北竟杜預曰圃田鄭藪名爾雅釋地十藪鄭有圃田郭璞曰今滎陽中牟縣西圃田澤是也衛之南竟至此澤畔漢書曰鄭當時為太子舍人每五日洗沐常置驛馬長安詣郊請謝賓客夜以繼日至明旦常恐不徧開黌學聚謂鄭康成通德門也黌學舍也

福履家室賢才踵武

棠棣之華螽斯之羽

此棠棣之華螽引召南與小雅常棣異鄭箋曰喻王姬顏色之美盛

爾雅釋文舍人曰唐棣一名移郭璞曰今白移也似白楊江東呼夫移詩序曰螽斯后妃子孫衆多也言若螽斯不妒忌則子孫衆多也毛傳曰螽斯蚣蝋也爾雅曰螽螽蚣蝋郭注云蚣蝋也俗呼為螞蟥人倫七

德風化二南采芣苢芣苢葛覃

七德注已見然此七德謂婦德有七也二

南謂周南召南也又劉向列女賢明傳曰周南大夫之妻能匡夫貞順傳召南中人之女得婦道之儀以絕無禮之求防淫慾之行馬毛詩傳曰采芣非一辭也芣苢馬駟車前也宜懷妊馬米取也覃延也葛所以為絺綌女功之事繫緝者萋萋茂盛貌節行聲玉副加一作芻麥柳園秉杼桑

津浴蠶

詩衛風云佩玉之儺毛傳儺行有節度也鄭風云佩玉瓊瑤疏云言其玉聲和諧行步中節也

廊風云副笄六珈毛傳副者后夫人之首飾編髮為之
笄衡笄也珈笄飾之最盛者所以別尊卑笄珈之言如
也副既笄而加飾如今步搖上飾古之制所未聞郡國
志河東平陽北屈有米桑津蠶書曰月當大火則浴其

蠶
春秋超忽零落無一作時家亡淑女國喪賢姬香墳

永送舞鶴長辭列仙傳曰鈞戈夫人殞尸不冷而香一月間後昭帝即位更葬之越絕書曰閨廬

子女冢在閨門外道北下方池廣四十八步水深二丈
五尺池廣六十步水深丈五寸壘出廟路以南通姑胥

門並周六里舞鶴山深月闇風急松悲千年開閉將驗
吳市殺生以送死

靈龜周禮龜人云天龜曰靈屬又云若有祭事則奉龜以往旅亦如之喪亦如之

後魏驃騎將軍荊州刺史賀拔夫人元氏墓誌銘

賀拔夫人疑即賀拔勝之妻也周書傳曰賀拔勝神武尖山人孝武帝時進位驃騎大將軍開

府儀同三司荊州刺史按勝以魏大統十年薨猶魏時人故稱後魏

在河之洲聞君子之配德言采其蕨

一作薄言采蕨

見夫人之

有禮用之風化人倫厚焉

在河之洲君子好逮皆闕昨首章之辭草蟲之詩云陟彼

南山言采其蕨傳云蕨鼈也箋云言我也我采者在塗而見采鼈菜者得其所欲得猶已今之行者欲得禮以自喻也詩序大夫妻能以禮自防也草木疏云周秦曰蕨齊魯曰鼈本又作鱉俗云其初生似鼈脚故名焉闕

雅詩序云上以風化下又云厚人倫美教化移風俗

夫人諱安字大羅河南洛陽

人也祖某京兆康王

元氏後魏宗室本姓拓跋氏居代孝文太和十九年遷洛陽二十年

改為元氏故夫人姓元氏為河南洛陽人也按魏書元昭之祖素謚曰康素子陪斤康王當是夫人曾祖父

昭驃騎大將軍開府儀同三司錄尚書司州牧汝陽郡

王

魏書云陪斤子昭入為尚書號征西將軍卒贈尚書左僕射隋志河南郡汝陽後魏置司州

附葛

雄圖階基霸迹

詩小雅棠棣之華鄂不韡韡鄭箋承華者鄂不當作拊拊鄂足也鄂足得華之

光明則韡韡然盛拊亦作跗按詩序棠棣燕兄弟今元氏本魏宗室故云公卿之室將相維

家

一作維國

夫人能修法度無思犯禮恭儉節用憂在進賢

采蘋詩序云采蘋大夫妻能循法度也漢廣詩序云無思犯禮求而不可得也葛覃詩序云恭儉節用服澣淮之衣闕睢詩序云闕睢樂得淑女以配君子大統五年憂進賢不淫其色哀窈窕而無傷善之心焉

封安樂公主

隋志北海郡博昌縣舊曰樂安

歸於賀拔氏時年十三思

事憂勤化成婦德彤管載暉棠棣早茂

靜女詩箋云彤管赤筆管也棠

棣注見前篇

及乎謳歌有歸禴程降等輔佐君子猶安其室

謂周受魏禪時也按周禮王后六服禕衣為上禴程次之言夫人本故魏公主受禪之後為降等也孝閔踐阼

子仲華襲爵卿祁公是猶安其室也

周天和元年乃封章武郡君

章武本漢竇廣

國所封郡國志屬渤海郡章懷太子注云在滄州魯縣

霜露不居風煙飄忽講疾

累旬奄捐館舍以周天和四年二月二十六日薨於長

安萬年里春秋五十有二詔贈頓正

疑作丘

國夫人禮也

地理志頓丘屬東郡

即以其年三月二十日歸葬於咸陽之石安

原既異乘鸞翻然永去雖非舞鶴即掩泉門

列女傳曰蕭史美玉

一旦乘鳳凰飛去鸞鳳通稱故云乘鸞吳越春秋曰吳王有女滕玉因謀伐楚與夫人及女會蒸魚王前嘗卑而與女女怒曰王食魚辱我不忘久生乃自殺閻閻痛之葬於國西閻門外鑿池積土文石為椁題姿為中金鼎玉杯銀罇珠襦之寶皆以送女乃舞白鶴於吳市中令萬民隨而觀之還使男女與鶴俱入羨門因發機以掩之殺生以送死國人非之湛盧之劍惡其無道而如楚矣泉門墓門即所謂羨門也

佳城鬱鬱勝成公墓石函之詞也注見前篇

乃為銘曰

逝矣雄謀悠哉霸轍九服潛運三川中竭卿相連鑣賢才

舞

無疑作絕

言元氏起家荒服後魏之興世為卿相也述矣悠哉言其遠也周禮九服一侯服二甸服

三男服四米服五衛服六蠻服七夷服八鎮服九藩服國語曰幽王三年西周三川皆震伯陽父曰夫國必依

山川崩川竭亡之徵也琬琰令淑施衿結褵方之棠棣譬以螽斯

既全婦德還稱母儀

楚辭曰懷琬琰以為心說文曰衿交社也詩云親結其褵毛萇曰褵

婦人之褵也女施衿結褵爾雅曰褵縷也郭璞曰即今之香纓也召南云唐棣之華陸璣曰粵李也一名雀梅

一名車下李所在山皆有其華或白或赤六月中熟大如李子可食爾雅疏曰螽螽周南作螽斯七月作斯螽

一名蚣蝢一名蝮蟪陸璣云幽州人謂之蝮箕蝗類也長而青長角長股腹鳴者也或謂似蝗而小班黑其股

似瑇瑁又五月中以兩股相切作聲聞數十步者是也婦德四德之首也劉向列女傳首篇有母儀傳

逝

一作遊

水滔滔危途冉冉問藥無對蒸丹不驗秋服空陳

絃機虛掩

言夫人以疾卒也楚辭曰波滔滔兮未迎又曰老冉冉兮既極秋服周禮榆狄闕狄之類

鄭注作崔雉名

郭門路轉哀挽途窮隴深結霧松高聚風春蘭

秋菊惟始惟終

周大都督陽林伯長孫瑕夫人羅氏墓誌銘

按夫人本姓叱羅氏叱羅協之女也周書魏恭帝三年太祖徵協入朝論蜀中事乃賜姓宇文氏協既受晉公護翼得婚連帝室乃求復舊姓叱羅氏高祖許之叱云羅氏省文也

夫人諱某恒州代郡太平縣人祖某父協周大將軍南

陽郡公

周書叱羅協傳云建德三年高祖以協宿畜授儀同三司賜爵南陽郡公

夫人資於

事親躬奉訓誡教於宗室足聞詩禮及乎言歸肅恭如

事蘋藻維敬紘縱是勤內位克諧中閨以睦年齡不競

霜露先侵更無延壽之杯遂闕長生之枕

漢書曰新垣平使人獻玉

杯刻曰主人延壽神仙傳曰漢光武東巡見太山老父鋤于道頭上白光高數尺呼問之對曰昨有一道士教臣作神枕枕有三十二竅二十四以應二十四氣八竅應八風臣用之轉少齒生

以周天和四

年二月八日薨於長安之洪固鄉時年二十有三某年

某月日葬於萬年縣之壽里山非宋國翻為節女之陵

地異荆臺遂有賢妃之墓

劉向列女傳曰伯姬者魯宣公之女成公之妹也伯姬嫁

於宋恭公十年恭公卒伯姬寡至景公時伯姬常遇夜失火左右曰夫人少避火伯姬曰婦人之義保傅不俱夜不下堂侍保傅來也越義而生不如守義而死遂逮於火而死春秋詳錄其事為賢伯姬諸侯聞之莫不悼痛以為死者不可復生財物猶可復故相與會於澶淵償宋之所喪春秋善之又曰楚昭越姬者越王句踐之女楚昭王之姬也昭王燕遊蔡姬在左越姬在右王親乘駟以逐遂登附社之臺以望雲夢之圍顧謂二姬曰吾願與子生若此死薨若此蔡姬曰願生俱樂死同時王顧謂史書之復謂越姬越姬對曰昔者吾先君莊王淫樂三年不聽政事終而能改卒霸天下妾以君王為能法吾先君將改斯樂而勤於政也今則不然而要婢子以死其可得乎妾聞之諸姑婦人以死彰君之義益君之寵不聞其苟以闇死為榮妾不敢聞命於是王

寤敬越姬之言而猶親嬖蔡姬也居二十五年王救陳
越姬從王病在軍中有赤雲夾日如飛鳥王問周史史
曰是害王身然可移於將相將相聞之將請以身禱於
神王曰將相之於孤猶股肱也今移禍焉庸為去是身
乎越姬曰大哉君王之德以是妾願從王矣昔日之遊
燕樂也是以不敢許及君王復於禮國人皆將為君王
死而況於妾乎請願先驅狐狸於地下王曰昔之遊樂
吾戲耳若將必死是彰孤之不德也越姬曰昔者妾雖
口不言心既許之矣妾死王之義不死王之好也遂自
殺王薨於車中蔡姬竟不能死惠王立然後罷兵歸葬
昭王君子謂越
姬信能死義
銘曰

畢狼建國靈武開都地接天柱山臨寶符人資義烈世

襲雄圖

史記天官書曰畢昴間為天街其陰陰國其東
有大星曰狼漢書地理志曰趙地昴畢之分野

北地郡有靈武縣言北魏之先開基於此也云地接天
柱者按天柱有二其一是崑崙山名神異經曰崑崙之
山有銅柱焉其高入天所謂天柱也圍三千里周圍如
削其一是漢武帝以後南嶽霍山之名爾雅曰霍山為
南嶽郭注云即天柱山潛水所出也疏云上云江南衡
地理志云衡山在長沙湘南縣南張揖廣雅云天柱謂
之霍山地理志云天柱在廬江潛縣則在江北矣本衡
山一名霍山漢武帝以衡山遼曠移嶽神於天柱又名
天柱亦為霍故漢以來衡霍別矣按此趙地亦有霍山
無天柱之名與彼為異周禮冀州其山鎮曰霍山史記
曰霍太山陽侯天史地理志云河東郡瓠縣霍太山在
東不得以趙地之霍山引廬江之天柱疑云西接崑崙
為崑崙之天柱矣山臨寶符者謂恒山也史記趙簡子
謂諸子曰吾藏寶符於恒山中往得者立為後諸子皆
競往無所得無恤曰恒山臨代代可取也簡子曰
是知符矣遂立之言恒山代代郡之地世有雄才也
葛覃

維萋棠棣早盛

見已

既安淑德爰從配命四教弘宣三星

克正

注已見

霜凋桂苑風落芝田三從闕性五福傷年

謝莊

月賦曰清蘭路肅桂苑王子年拾遺記曰崑崙第九層山形漸小狹下有芝田蕙圃皆數百頃羣仙種耨焉列女傳母帥曰婦人有三從之義而無專制之行少繫父母長繫于夫老繫于子歸安永絕言吉

長捐悽切郊野紆迴隰原

歸安歸寧也詩歸寧父母又曰言告言歸爾雅曰邑外謂

之郊郊外謂之牧牧外謂之野下濕曰隰廣平曰原公羊傳云下平曰隰

風慘雲愁松悲露

泣朗月空嗟傷神何及

世說曰荀奉倩與婦至篤婦亡奉倩後少時亦卒劉孝標注云

梨別傳曰梨常以婦人才智不足論自宜以色為主驪騎將軍曹洪女有色梨於是聘焉容服惟帳甚麗專房

燕婉後婦病亡未殯傳明住唁聚聚不言而神傷瑕問曰婦人才色並茂為難子遺才存色非難遇也何哀之甚泉曰佳人難再得願逝者不能有傾城之異然未可易遇也悲悼不能已己歲餘亦亡亡年二十九

周儀同松滋公拓跋競夫人尉遲氏墓誌銘

魏書宗室傳曰高涼王孫平文皇帝之第四子也孤孫度道武初賜爵松滋侯仍得世襲競或其後也隋書地理志云南郡松滋縣江左舊置河東郡

夫人諱某河南洛陽人也

本代人其先魏之別種號尉遲部因而姓焉從魏入洛為

洛陽人 祖某父大師柱國公

夫人疑卽尉遲迴女也祖侯夔父迴周本紀云武帝建德

元年以太傅蜀國公尉遲迴為太師魏室喪亂經綸夷阻周朝建國匡翊

揖讓

按周書迴從太祖復弘農戰沙苑皆有功孝閔踐作進位柱國大將軍封寧蜀公魏室喪亂謂高歡

入洛孝武西遷也周祖周太祖也揖讓周受魏禪也

圖牒帝系即有內外之親分

裂山河仍為舅甥之國

迴傳云父侯夔尚太祖姊昌樂大公主生迴迴尚魏文帝女金

明公主拜駙馬都尉以平蜀功封一子為公自劍閣以南得承制封拜及黜陟又迴曰吾居將相與國舅甥

夫人容範端莊儀型淑令六義觀德南風有夫人之詩

八卦成形東方有少女之位

詩序曰詩有六義一曰風二曰賦三曰比四曰興五

曰雅六曰頌國風召南鵲巢以下皆言夫人是南風夫人之詩也易卦傳曰兌三索而得女故謂少女巽為長女居東南兌為少女
居正秋在西方矣
姆母習言公宮教業歲盥線纊佩

悅莖蘭

內則曰婦事舅姑左佩紛悅刀礪小鴈金燧右佩箴管線續施繁褻大鴈木燧鄭注云繁小囊

也言施明為箴管線續有之按管與盥同

年十有二適儀同拓跋競衣其翟

服既得宗婦之儀乘其魚軒還從列國之禮

拓跋氏鮮卑索頭部

稱代改為魏至孝文改元氏拓跋競魏之支屬也毛詩傳曰車乘厥翟服則禴翟翟也宗婦同宗之婦也拓

跋競為魏宗室故夫人為宗婦矣左傳閔二年曰歸夫人魚軒正義曰陸璣義疏曰魚獸似猪東海有之其皮

背工有斑文腹下有純青今人以為弓鞞步天者也其夫雖乾燥為弓鞞夫服鯁年海水將潮及天陰毛皆起

水潮暹及晴則毛復如故雖在數千里外可以知海水之潮自相感也

標梅三實無闕其

時夭桃九華能脩其政

詩序曰標有梅男女及時也詩云標有梅其實三分求我庶士

迨其今兮箋云此夏卿晚梅之墮落差多在者餘三耳
詩序挑天后妃之所致也不妒忌則男女以正婚姻以

時國無鰥民也詩云桃之夭
夫毛傳曰夭夭其少壯也
某年某月冊拜迴洛縣君

迴洛疑即万俟洛營齊神
武以其地名回洛城矣
母金明公主魏文帝長女春

則帝女採桑秋則王姬菜館
其上海經曰宣水淪水出馬

四衢其葉大尺餘赤理黃華青樹名曰帝女之桑郭璞
注曰婦以主蠶故以名桑左傳莊元年曰秋菜王姬之

館於外為
外禮也
夫人出入王家遊遊戚里濯龍園苑長門宮

殿
主家公主家也漢書東方朔傳曰董偃隨母出入主
家詩曰以遊以遊漢書石奮傳顏師古注曰於上有

姻戚者則皆名之故名其里為戚里後漢書明德馬后
曰前過濯龍上見外家問起居者車如流水馬如龍史

北封禪書長安門注稱括地志云長安門故亭在雍州
萬年縣東北苑中後館陶公主長門園武帝以為長門

宮即此
既而膏腴美疾一作疾華茂傷年沉痾床帳蒸離寒

暑

左傳臧孫曰美疾不如惡石劉公幹贈五官中郎將詩曰余瘳沉痾疾李善注云禮記曰身有痾疾說文

曰痾久也詩云載離寒暑三世之術無迨一作乏於醫門百草之本途

疑作徒窮於藥性禮記曰醫不三世不服其藥正義曰擇其父子相承至三世也又說云三世者

一曰黃帝針灸二曰神農本草三曰素女脉訣又云夫子脉訣若不習此三世之書不得服食其藥三皇本紀

神農氏作蜡祭以赭鞭鞭草木始建德三年五月七日
嘗百草始有醫藥途窮疑作徒窮

亡春秋三十昔西河女子值九節之菖蒲東海婦人得

三山之芝草

西河女子西王母也抱朴子曰葛蒲須石上一寸九節紫花者尤善神仙傳曰漢武

帝登嵩山登大愚室石起道宮使董仲舒東方朔等齋潔思神至夜忽有仙人曰吾九疑之神也聞中岳石上菖蒲一寸九節可以服之長生故來採耳王興聞之乃採服之不息遂得長生又神仙傳麻姑瑁王方平曰接待以來已見東海三為桑田向到蓬萊水淺淺於往日會時略半也史記封禪書曰海中三神山曰蓬萊方丈瀛洲東海婦人謂麻姑也無由再遇悲矣如何即以其年十一月十

五日葬於京兆之北陵原龜筮告辰丘陵啓奠

禮記曰龜為卜

笑為筮廣雅云小陵曰丘爾雅曰大阜曰陵

西臨織

疑作玉

女之廟南望湘妃

之墳

星經曰織女三星史記天官書云是天帝外孫戴德夏小正云七月織女西臨織女之廟未詳墳在

京北近華山疑作玉女詩含神霧云華山有明星玉女
持玉漿得上服之即成仙道險僻不通却璞鑽曰華岳
靈峻削成四方爰有神女玉漿是挹山海經曰洞庭之
山帝之二女居之是常遊於江湖澧沅之風交瀟湘之
淵郭注天帝之二女而處江為神即列仙傳江妃二女
離騷九歌所謂湘夫人稱帝子者是也河圖玉版曰湘
夫人帝堯女也秦始皇浮江至湘山達大風而問博士
湘君何神博士曰聞之堯二女舜妃也死而葬此列女
傳曰二女死於江湖之間俗謂為湘君鄭司農亦以舜
妃為湘君說者皆以舜陟方而死二妃從之俱溺死於
湘江遂號為湘夫人嗚呼哀哉乃為銘曰

父曰帝師母曰王姬車服不繫江漢無思

言父迎為太師母為魏金

明公主也詩序曰王姬下嫁於諸侯車服不繫其夫又曰漢廣德德廣所及也文王之道被於南國美化行於

江洪之域無思犯禮求而不可得也

是生令淑觀禮敦詩聲超宋子德茂

邢姨

謂夫人之賢德也左氏傳曰說禮樂而敦詩書詩曰豈其娶妻必宋之子又曰邢侯之姨

繼世

盛德思賢克舉真雁迎門濡

一作濡見文苑英華

蘋實俎

詩云雖雖鳴雁

旭日始旦鄭箋云雁者隨陽而處似婦人從夫故昏禮用焉自納采至請期用昕親迎用昏毛萇采蘋傳蘋大

莘也鄭箋曰蘋之言賓也釋草云莘萍其大者蘋舍人曰萍一名萍今水上浮萍也江東謂之漂音瓢左傳蘋

之菜

奉盥如事移茵即序春冰浴蠶秋機秉杼

王子年拾

遺記曰東海員嶠山有冰蠶長七寸有鱗角以霜雪覆之始為繭其色五絲織為文錦入冰不濡投火不燎浴

蠶注見前篇月令曰促織鳴嬾婦驚故曰秋機

帝鄉近親帝城近臣濯龍親戚

平陽主人

後漢書東海公陽對曰河南帝城多近臣南陽帝鄉多近親淮龍注見本序漢書曰王太

后長女號曰平陽公主後漢書曰明帝女迎封平陽公主適大鴻臚馮順注平陽縣屬河東

金波迴

月玉樹臨春

漢書曰月穆穆以金波拂帷
甘露賦曰萃玉樹之青葱

弄玉鳳凰昌

容紫草自此千年無人得道舜華榮曜飄零何早

列仙傳曰

秦穆公有女字弄玉與蕭史皆隨鳳凰飛去又曰昌容常山道人也自稱殷王子能效紫草女仙傳曰昌容者商王女也隋道於常山食蓬蘽根二百餘年顏如二十許能效紫草驚與染工得錢以為貧病者往來城市世世見之嘗行日中不見其形或云昌容能練形者也忽冲天而去神仙傳彭祖曰得道者耳非仙人也詩顏如舜華毛萇曰渭水北原平陵故園纜通谷口即望寒門

謂葬於京兆之北陵原也漢書地理志曰扶風渭城故咸陽又平陵縣昭帝置三輔黃圖曰秦始皇都咸陽渭水貫都以象天漢地理志曰谷口屬左馮翊史記漢武紀曰所謂寒門者谷口也索隱曰服虔云寒門黃帝所仙之處小顏曰谷口山之谷口漢時為縣今呼為治谷去甘泉八十里盛夏凜然故曰寒門 吁嗟此

地去矣歸魂孟冬十月長松九年親賓掩淚悽愴何言

江淹別賦曰
親賓兮淚滋

周驃騎大將軍開府儀同三司冠軍伯柴烈李夫

人墓誌銘

夫人諱某隴西狄道人也周有柱史夫子以之猶

一作見

龍史記曰老子者楚苦縣厲鄉曲仁里人也姓李氏名耳字伯陽諡曰聃周守藏室之史也孔子適周問禮

於老子去謂弟子曰老子其猶龍乎又張湯傳曰老子為柱下史即藏史之柱下因以為官名漢有將

軍宛城以之輸馬

漢書曰太初元年以李廣利為貳師將軍至貳師取善馬又大宛傳張騫

曰大宛在匈奴西南漢正西去漢可萬里其俗多善馬馬汗血其先天馬子也復有西入上書

仍為秦王之相

史記曰李斯者楚上蔡人也西說秦王秦王拜斯為客卿會議逐客斯亦在逐

中乃上書秦王除逐客之令復李斯官卒用其計謀官至廷尉二十餘年竟并天下尊主為皇帝以斯為丞相

東向問計即是韓王之師

史記韓信傳曰信與張耳以兵數萬欲東下井陘擊趙

王成安君陳餘聚井陘口號稱二十萬廣武君李左車說成安君曰聞漢將韓信涉西河虜魏王禽夏說新喋

血閭與今乃輔張耳議欲下趙此乘勝而去國遠關其鋒不可當願足下假臣奇兵三萬人從間路絕其鞬重足下深溝高壘堅營勿與戰彼前不得鬪退不得還吾奇兵絕其後使野無所掠不至十日而兩將之頭可致於戲下否必為二子所禽矣成安君不聽韓信使人間視知不用還報則大喜及破趙軍斬成安君禽趙王歇乃令軍中毋殺廣武君有能生得者購千金於是縛廣武君而致戲下者信乃解其縛東向坐西向對師事之復從其策

父宜使持節大將軍南北二華州刺史順陽郡

公魏武皇帝之長舅也

隋書地志曰馮翊郡後魏置華州上郡後魏置東秦州後改為

北華州荊州春陵郡湖陽縣後魏置順陽郡北史魏李武帝紀曰帝諱脩字孝則廣平文穆王懷之第三子也

母曰穰侯魏冉居咸陽之宮曲陽王根借明光之殿語

其貴戚差足擬倫論其揖讓彼多慚德

史記曰穰侯魏冉者秦昭王母

宣太后弟也宣太后二弟其異父長弟曰穰侯姓魏氏名冉自惠王武王時任職用事武王卒諸弟爭立惟魏冉能立昭王昭王即位以冉為將軍衛咸陽誅季君之亂封於穰號曰穰侯漢書曰成都侯王商書病欲避暑從上借明光宮後又穿長安城引內澧水注第中大陂以行船立羽蓋張周帷楫漉歌上幸商第見穿城引水意恨內銜之未言後微行出過曲陽侯第又見園中土山漸臺似類白虎殿於是上怒以讓車騎將軍音商根兄弟欲自黥刺謝太后上聞之大怒音籍薰請罪商等皆負斧質謝罪上不忍誅然後得已久之平借明光宮本王商事此云王根按本文論外戚之奢漢書根商連文故通用之言比之古人魏冉王根俱為貴戚而李宜有揖讓之德也

夫人幼而聰敏早聞令淑彤

一作

管有美賢才

見稱左氏傳曰靜女之三章取彤管馬杜預曰彤管赤筆管也弄其紙筆懼失諸兄

之意翦其鬢齡畏傷王母之心

魏志曰甄后少喜書常用諸兄筆硯表宏後漢

紀曰和熹皇后鄧訓女也后年五歲祖母為翦髮老人目瞋并中后額忍痛不言一額盡傷左右怪而問之后

曰太夫人慈恩為斷髮難傷老人意故忍之耳年十有一出適驃騎大將軍開

府儀同柴烈烈以上將頒朔

一作領朔

中台受任軍國忠勤規

模繁總

漢書天文志曰斗魁戴筐六星曰文昌宮一曰上將魁下六星兩兩而比名曰三台

夫人

輔佐君子言容匡贊增耀三星欽明四德授中沃盥有謹於事姑斷織停機無忘於訓子保定二年冊授大夏

縣君既以夫尊又云子貴乃遷順陽改郡君夫人之邑

或用卿名小君之號多從夫秩典冊光臨足稱榮寵漢書

外戚傳曰武帝即位封皇太后母臧兒為平原君武帝封王太后在民間時所生女金氏為脩成君宣帝制詔御史賜外祖母號為博平君東觀漢記曰鄧皇后太夫人為新野君王隱晉書曰武帝封羊祜妻夏侯氏為萬歲卿君按柴烈李夫人封大夏縣君卿名如此類也禮記曰婦人無爵從夫之爵本有風氣之

疾頻年增動略多枕卧飛龜之散遣疾無徵畫龍之符

流年不驗

抱朴子曰靈寶經有正機平衡飛龜投袂凡三篇皆仙術也又曰或丙午日日中時作燕

君龍虎符歲符歲易之是也

以今建德四年三月日薨於館舍春秋

四十九即以其年八月日莫於長安之洪瀆原神光離

合尚在河湄雲氣徘徊猶歸樓下

洛神賦曰神光離合乍陰乍陽小雅巧言

云居河之湄爾雅云水草交曰湄高唐賦王問玉曰此何氣也玉對曰所謂朝雲者也

嗚呼哀哉

乃為銘曰

上書秦相立功漢將隴水分流秦川遙望

秦相李斯漢將李廣利也

隴水秦川言夫人為隴西人也漢書地理志曰隴西郡秦置應劭曰有隴坻在其西也三秦記隴水歌有遙望

秦川秋陸俗勇金行地壯廣武軍中安平河上

言李氏世居隴

西西方金行之氣代有名將也續漢書曰日行西陸謂之秋後漢書西羌論序曰性堅剛勇猛得西方金行之

氣馬西征記曰三皇山或謂三室山山上有二城東者曰東廣武西者曰西廣武各在山一頭相去二百餘步其間隔深澗漢祖與項籍語處後漢郡國志曰安平國故信都信都有絳水滹沱河又王霸傳曰先武至下曲陽聞王郎兵在後從者皆恐及至滹沱河先武令霸往視之詭曰冰堅可渡官屬皆喜遂前北至河河冰亦合乃令霸護度未畢數騎而冰解先武謂霸安吾衆得濟免者卿之力也

妻者齊也謂嫁曰

歸三星夜照百兩朝飛

白虎通曰妻者齊也與夫齊體自天子下至庶人其義一也

詩傳曰婦人謂嫁曰禴翟有典容禮無違台庭等秩一作

列侯一作服同衣周禮內司服有禴狄鄭注云狄當為

容婉婉台庭等秩侯服同衣者謂從夫秩也天官書曰魁下六星名三台周禮九服一侯服柴烈為開府儀同

冠軍伯是工應台
階職居侯服矣

子奉母儀夫聞家政七族承和九閨

連慶

漢書鄒陽曰荆軻湛七族張晏
曰七族上至曾祖下至曾孫

紛悅恭肅溫清孝

敬孀秉秋成蠶隨春令

內則曰婦事舅姑左佩紛悅曲
禮曰凡為人子之禮冬溫而夏

清宋均曰促織立秋女功急故趨之周禮鄭注曰蠶為
龍精月值大火則浴其種月令曰季春之月蠶事既登

年華未落電影先過徒餐日氣空飲天河

楚辭曰餐六
氣而飲沆瀣

兮漱正陽而含朝霞保神明之清澄兮精氣入而麤穢
除王逸曰餐吞日精食元符也陵陽子明經曰春食朝
霞者日始出赤氣也秋食沆瀣者日沒後赤黃氣也冬
食沆瀣者北方夜半氣也夏食三陽者南方日中氣也
荆楚歲時記曰漢武帝令張騫使大夏尋河源乘槎經
月而至一處見一女子織一丈夫牽牛飲河渚織女取

支機石與騫而還
俊為東方朔所識
星凋玉井月捐金波
虞淵浴日薤露

哀歌

後漢書卽顛傳曰夜有白氣從西方天苑趨左足
入玉井注云天官書參星下四小星為玉井漢書

曰月穆穆以金波淮南子曰日出陽谷入於虞淵崔豹
古今注曰薤露蒿里送哀歌也出自田橫門人橫自殺
門人傷之而作悲歌言人命如薤上露易晞滅至李延
年乃分為二曲薤露送王公貴人蒿里送士大夫庶人
使挽逝者歌之
俗呼為挽歌

寂寞虛奠荒涼象設幽隴龜封重泉蟻

結 酉陽雜俎曰臨邑縣北有華公墓碑龜舁失惟跌龜
存馬石趙世此龜常負碑入水有伺之者因叫呼龜

走墜折碑馬檀弓曰蟻結於四隅股士也鄭注曰畫褚
於四角其文如蟻之行往來相交錯蟻虵蟻也股之蟻

結如畫
秋色悽愴松聲斷絕百年何幾歸於此別

彭城公夫人爾朱氏墓誌銘

後漢郡國志徐州彭城國高祖置古大彭邑也
彭城公姓氏未詳此篇及下東平李夫人誌皆
非子山之作按滕王序開府文集二十卷及隋
經籍志稱二十一卷今並不傳近本皆出文苑
英華英華列此二篇於子山諸誌之後此篇失
名次篇稱前人後人采英華成集誤為庾作又
篇內上元元年及下篇永淳二年皆唐高宗年
號下篇烟黍為詹事司直明是楊炯之作也初
唐四傑去庾最近余喜其文似開府遂不忍去
因附注釋且證其集非周隋舊本昔中郎虎賁
貌似者猶或愛之矧盈川之
文江河萬古在所不廢者也

夫人爾朱氏河南洛陽人也

北史爾朱榮傳曰世為部
落酋帥其先居爾朱川因

為氏馬爾
字或作介

若夫陰山表裏衝北斗之璣衡瀚海彌綸直

西街之畢昴

史記曰趙武靈王北破林胡燕長城自代
竝陰山索隱曰徐廣云西安縣縣北有陰

山在河南陽山北也正義曰括地志云陰山在朔州北
塞外突厥界左氏傳曰表裏山河天官書曰北斗七星
所謂璇璣玉衡以齊七政索隱曰春秋運斗極云斗第
一天樞第二璇第三璣第四權第五衡第六開陽第七
搖光第一至第四為魁第五至第七為杓合而為斗馬
融云璣渾天儀可轉旋故曰璣衡其中橫筭以璇為璣
以玉為衡蓋賁天象也鄭注大傳言渾儀其中筭為璣
璣外為玉衡者是也漢書霍去病傳曰登臨瀚海如淳
曰瀚海北海名也周易曰故能彌綸天地之道史記天
官書曰西宮也畢間為天街其陰陰國其陽陽國正義
曰天街三星在昴畢間主國界街南謂華夏之國街北
為巨野之國土金守胡兵入也按漢國界在趙代之間

陰山瀚海皆匈奴地也北魏是其子孫後建都洛陽撫
有中夏是西街畢昂衝於北斗璣衝矣爾朱氏世為部
落酋帥故
稱之也
四時銜火燭龍開照地之光六月搏風大鵬

運垂天之翼

山海經曰西北海之外有神人而蛇身而赤其眼及晦視乃明不食不寢是燭九陰

是謂燭龍炬可以照明莊子曰鵬之背不知其幾千里也怒而飛其翼若垂天之雲又云鵬之徙於南冥也水擊三千里搏扶搖而上者九萬里以六月息者也由是奄有京縣遂荒中土車

書禮樂三王之損益可知將相公侯百代之山河不殞

言爾朱氏從魏入洛帝業既成遂世為卿相也北史云爾朱羽健魏登國初為領人酋長率契胡武士從平晉陽定中山拜散騎常侍以居秀容川割方三百里封之長為世業健羽子鬱德鬱德子代勤繼為酋長代勤太

初敬哀皇后舅也以外親兼征祖敞隋書列傳曰爾朱敞字乾羅秀容契

胡人爾朱榮之族子也父彥伯官至司徒博陵王隋儀同三司金紫光祿大夫

政同金申信臨徐七州總管兵一作藩部尚書金一作造城

郡開國公天列尚書之星地標光祿之塞隋書本傳高祖受禪改封

邊城郡公黔安蠻叛命敞討平之師旋拜金州總管政號明肅吏民懼之後以年老乞骸骨賜二馬輅車歸河

內卒於家時年七十二天文志曰門內東南維五星曰尚書主納言風夜咨謀龍作納言此之象也漢書曰單

于自請願留居光祿塞下應劭曰光祿出身萬里知呂

岱之元勳專命一方識劉弘之重寄吳志曰呂岱字定公廣陵海陵人也

清身奉公所在可述初在交州歷年不餉妻子飢乏權
聞之嘆息以讓羣臣曰呂岱出身萬里為國勤事家門
為困而孤不早知股肱耳目其責安在於是賜錢米布
絹歲有常限晉書曰劉弘字和季沛國相人也為鎮南
將軍都督荊州諸軍事張昌作亂弘遣軍討斬之悉降
其衆時荊州守宰多闕弘請補選帝從之弘乃敕功銓
德隨才補授甚為論者所稱弘每有典廢手書守相丁
寧款密所以人皆感悅爭赴之咸曰得劉公一紙書賢
於十部

父休最

北史隋書作鼎

隋左千牛備身朝散大夫齊王

府司馬襲封爵金

一作邊

城公大夫稱伐諸侯胙土

左傳臧武

仲曰大夫稱伐又衆仲曰胙之土而命之氏

淮仙致雨仍攀桂樹之山楚客

臨風更入芙蓉之水

淮仙淮南王劉安也安封於淮南學神仙之術故稱淮仙楚客屈原

宋玉也屈宋楚人故云楚客淮南王安招隱士曰桂樹叢生兮山之幽又云攀援桂樹兮聊淹留離騷曰集芙蓉以為衣又云米薜荔兮水中拳芙蓉兮木末又云因芙蓉而為煤兮憚褰裳而濡足王逸曰芙蓉蓮華也言最為齊王府司馬猶八公之

夫人玉臺貞氣金河仙作

靈液

漢書天馬歌曰游閩闕觀玉臺應劭曰玉臺上帝之所居金河仙液比西王母也西王母亦稱金母

居崑崙山崑崙為河水之源故云金河矣蔡中郎之女子早聽色絲謝太傅

之閨門先揚麗則

世說曰魏武嘗過曹娥碑下楊脩從碑背上見題作黃絹幼婦外孫蓋白

八字魏武謂脩曰解不答曰解魏武曰卿未可言待我思之行三十里魏武乃曰吾已得令脩別記所知脩曰黃絹色絲也於字為絕幼婦少女也於字為妙外孫女子也於字為好蓋曰受早也於字為辭所謂絕妙好辭

也魏武記之與脩同乃嘆曰我才不及卿乃覺三十里
異苑曰陳留蔡邕避難過吳讀曹娥碑文因刻石旁作
八字曰黃絹幼婦外孫養曰後漢書陳留董祀妻者同
郡蔡邕之女也名琰字文姬博學有才辯又妙於音律
晉書曰謝安幼有公輔之望處家
常以儀範訓子弟及薨贈太傅
彭城公發源殷伯承

家漢相

言彭城公先世在殷為侯伯在漢為丞相也

山川氣候彰白武於臯

繇象緯休徵下蒼龍於曼倩

白武白虎也史記曰西方七星白虎宿也淮南子曰

西方金也其神為太白其獸白虎尚書臯陶作士按此知彭城公為刑官也淮南子曰東方木也其神為歲星其獸蒼龍高誘曰木色蒼蒼龍順其色也東方朔別傳曰東方朔小名曼倩未死時謂同舍郎曰天下人無能知朔知朔者惟太王公耳朔卒後武帝得此語即召太王公問之曰爾知東方朔乎公對曰不知公何所能曰

頗善星歷帝問諸星皆具在否曰諸星具獨不見歲星十八年今復見耳帝仰天歎曰東方朔生在朕傍十八年而不知是歲星哉按象緯休徵下蒼龍於曼倩者蒼龍歲星曼倩方朔小字明是東方朔為歲星事漢書云東方朔字曼倩平原厭次人自公孫弘以下或至公卿朔常為朗與枚舉郭舍人俱在左右詼調而已終不見用上云白武阜陶是彭城公已為刑官此引曼倩非謂職官明矣疑謂方朔有割肉細君之事為下文鳴雁飛皇夫婦三星照夜佇稽鳴雁之期七日秉秋坐薦飛皇張本矣

之兆

詩曰綢繆束薪三星在天毛傳三星參也鄭箋曰三星心星也心有尊卑夫婦父子之象又為二月

之合宿故嫁娶者以為候焉按昏姻六禮皆用雁故曰鳴雁之期左傳懿氏卜妻敬仲詩云鳳凰于飛故曰飛

皇之兆

夫人年甫十八遂歸於我巫山南眺逢暮雨於瑤

姬華嶽西臨降明星於玉女

水經注曰郭景純云丹山西即巫山帝女居焉宋玉

所謂天帝之季女名曰瑤姬未行而亡封於巫山之臺精魂為草實為靈芝所謂巫山之女高唐之姬旦為行雲暮為行雨朝朝暮暮陽臺之下旦早視之果如其言故為立廟號朝雲馬詩含神霧曰華陰山上有明星玉女持玉漿得衣服之即成仙道險僻不通郭璞讚曰華嶽靈峻削成四方是有神女玉漿是泥又按集仙錄明星玉女者居華山服玉漿白日昇天玉女祠前有五石臼號曰玉女洗頭盆

動合詩禮言成

軌則晨昏展敬事極於移天蘋藻潔誠義申於中饋

儀禮

曰夫者天也杜預曰婦人在室則天父出則天夫詩曰於以采蘋於以采藻毛傳曰蘋大萍也藻聚藻也鄭箋曰蘋之言賓也藻之言澡也婦人之行在柔順自潔清故取名以為戒周易曰無憂累在中饋

女即砧

石響明月而思秋風織婦

一作女

機床聽寒蛩而催絡緯

水經注曰漢水南有女郎山山上有女郎冢遠望山墳
鬼鬼狀高及即其所裁有墳形山上直路下出不生草
木世人謂之女郎道下有女郎廟及搗衣石言張魯女
也有小水北流入漢謂之女郎水又述異記曰搗衣山
一名靈山在瑯琊郡山南絕險巖有方石昔有神女于
此搗衣其石明瑩謂之玉女搗練砧雀豹古今注曰蟋
蟀一名吟蛩一名促織一名絡緯一名悉蛭一名促織一
又云莎難一名促織一名絡緯一名悉蛭一名促織一
名紡績促織謂鳴聲如紡績也
用曹大家之明訓守宋伯
姬之貞節
後漢書曰扶風曹世叔妻者同郡班彪之女
也名昭字惠班一名姬博學高才世叔早卒
有節行法度兄固著漢書其八表及天文志未及竟而
卒和帝詔昭就東觀藏書閣踵而成之帝數召入宮令

皇后諸貴人師事焉。號曰大家。作女誡七篇。有助內訓。劉向列女傳曰：伯姬者，魯宣公女，成公之妹也。其母曰：繆姜嫁伯姬於宋，恭公十年，恭公卒，伯姬寡。至景公時，伯姬嘗遇夜火，左右曰：夫人少避火。伯姬曰：婦人之義，保傅不俱，夜不下堂。侍保傅來也。越義而生，不如守義而死。遂逮於火而死。春秋詳錄其事為賢。伯姬以為婦人，以貞為行者也。伯姬之婦道盡矣。按此二語是彭城公已卒，夫人其娶婦也。加以心依八覺。

理會三空

加以以下言夫人奉佛教也。八覺言佛八種覺悟也。有八大人覺經云：八大人覺亦名。

八生法一道常少欲多欲非道二道當知足無厭非道。三道常閒靜樂衆非道四道當自守戲笑非道五道當精進懈怠非道六道當專念多忘非道七道當定意亂意非道八道當智慧愚癡非道也。般若經云：三空一人空二法空三俱空。僧肇維摩經遊智刃於檀林泛仙舟。注序曰：道越三空非二乘所議。

欽定四庫全書

庚子山集
卷十六

四

於法海

王巾頭陀寺碑文曰智刃所遊日新月故觀佛三昧經曰伊蘭與栴檀生末利山中伊蘭臭牛

頭栴檀上妙之香說文云叢木曰林功德施論云如欲

濟川先應取筏至彼岸已捨之而去此云仙舟即郭璞

云水中萍筏也又大論云波羅伽秦言度彼岸華嚴云

以波羅蜜船于生死流中不依此岸不著彼岸不住中

流而度衆生無有休息維摩經曰當禮法海德無邊幾神獨照默言象而無施空

有兼忘束筌蹄而不用周易曰知幾其神乎後漢書西

域傳論曰詳其清心釋累之訓

空有兼道之宗道書之流也注云不執著為空執著為

有兼道謂不空不有虛實兩忘也維摩詰曰我及涅槃

此二皆空老子云常無欲以觀其妙常有欲以觀其儼

故曰道書之流也莊子曰筌者所以得魚也得魚而忘

筌蹄者所以得兔也得兔而忘蹄言者所以得意

也得意而忘言吾焉得夫忘言之人而與之言哉 人生

天地壽非金石銀臺竊藥想奔月而何年金殿

一作玉
一作

金煎香思反魂而無日

淮南子曰姮娥羿妻羿請不死之藥於西王母姮娥竊藥以奔

月中張衡思立賦曰聘王母於銀臺注云銀臺仙人所居也述異記曰聚窟州有返魂樹伐其根心於玉釜中煮取汁又熬之令可丸名曰金精香或名振靈丸或名反生香或名却死香死尸在地聞氣即活王子年拾遺記曰漢延和三年春武帝定西胡月支國王遣使獻香四兩大如崔卯黑如桑椹帝以香非中國所乏以付外庫至始元元年京城大疫死者大半帝取月支神香燒之於城內其死未三日者皆活香氣經三月不歇帝信神香乃秘錄餘香一日函檢如故而失神香也此香出於聚窟州人鳥山山多牛乳聞之者心振神駭伐其木根於玉釜中者取汁更以微香熟煮之如黑飴狀令可丸名為驚精香或名振靈丸或名返生香或名振檀香

或曰却死者一種
六名斯皆靈物也

以其年月日終於平康一作原

里之私

第越上元三年十月二十日合葬於城南之畢原禮也

按上元唐高宗年號也舊唐書高宗紀云改咸亨五年為上元元年

齊侯寢側杜氏階前

對文王之畢原用周公之合葬

晏子春秋曰景公成路寢之臺達於何遭喪遇

晏子於途再拜乎馬前晏子下車挹之曰子何以命嬰也對曰於何之母死兆在路寢之臺牖下願請命合骨
晏子入白公公作色曰自古及今子亦嘗聞請合葬人主之宮者乎對曰古之人君不奪生人之居不踐死人
之墓故未嘗聞請葬人主之宮也且嬰聞之生者不得
安命之曰畜憂死者不得葬命之曰畜哀畜憂者怨畜
哀者危君不如許之公曰諾達於何葬其母於路寢之
臺牖下檀弓曰季武子成寢杜氏之葬在西階之下請

合葬馬許之武子曰合葬非古也自周公偃松千古長
以來未之有改也馬融曰畢文王墓地名

無寡鶴之悲文梓百尋還見雙鴛之集

抱朴子曰千樹之松有如偃蓋

王褒洞簫賦曰孤雌寡鶴娛優乎其下列異傳曰宋康
王埋韓馮夫婦宿昔文梓生有鴛鴦雌雄各一恒棲樹
上聲音感人又述異記云吳黃龍中吳郡海鹽有陸東
美妻朱氏亦有容止夫妻相重寸步不相離時人號為
比肩人夫婦云皆比翼恐不能往後妻卒東美不食求
死家人哀之乃合葬末一歲冢上生梓樹同根二身相
抱而合成一樹每有雙鴻常宿於樹下權聞之嗟嘆封
其里曰比肩墓又曰雙梓後子弘與妻張氏雖無異亦
相愛慕吳人又其銘曰合葬非古周公所存謝惠連祭
古塚辭本
呼為小比肩

禮記 死生千載棺槨雙魂

謝惠連祭古塚
文曰還柩雙魂野曠風急天寒

日昏煙霾香嶂霧失迷村

詩云終風且霾毛傳曰霾雨土也釋天云風而雨土為霾

孫炎曰大風揚塵土從上下也

紀黃絹之碑表對青松之墓門

黃絹注見本序

潘岳寡婦賦云長松萋萋兮振柯又云墓門兮肅肅

伯母東平郡夫人李氏墓誌銘

夫人唐常州刺史楊德裔之妻楊炯之伯母也按文苑英華楊炯有常州刺史楊公墓誌銘集作伯父東平楊公其畧云公諱德裔字德裔弘農華陰人也即常州刺史華山公之元孫左衛將軍武安公之長子也封東平公策勲工柱國知夫人楊炯伯母篇內炯忝為詹事司直是篇亦盈川之文也

夫人姓李氏隴西狄道人也自涼武昭王以後一門三

公為四海著族國史家牒詳之矣

晉書曰涼武昭王嵩字玄盛小字長生隴

西成紀人姓李氏漢前將軍廣之十六世孫也廣曾祖仲翔漢初為將軍討叛羌於素昌素昌乃狄道也衆寡不敢死之仲翔子伯考奔喪因葬于狄道之東川遂家焉世為西州右姓初署穀敘令段業僭稱涼王進玄盛持節都督涼興諸軍事鎮西將軍領護西尼校尉隆安四年六郡推為涼公薨年六十七國人上謚曰武昭王墓曰建世陵廟號太祖子歆字士業涼後主玄盛以安帝隆安四年立至宋少帝景平元年滅據河右凡二十四年舊唐書高祖本紀云其先隴西狄道人涼武昭王嵩七代孫也夫人為涼武昭王之後與國同乘矣祖充頽後周大將軍涇州刺史流江郡公

隋書地理志云宕渠郡流江後

魏置縣及
置流江郡

考玄明皇朝上儀同

關

濟三州刺史成紀

縣男

隋志云天水郡成紀縣舊廢後周置

出入三朝剖符分竹

漢書文帝紀曰二年

九月初與郡守為銅虎符竹使符應劭曰銅虎符第一至第五發兵遣使符合乃聽之竹使符以竹箭五枚長五寸錫刻篆書亦第一至第五也說文云符信也漢制以竹長六寸分而相合秦隴河濟之地

人到於今稱之天下士大夫知與不知莫不想望其風

采

漢書李廣傳曰百姓知與不知老壯皆為流涕

夫人生而純深幼而恭敬長

而敦睦成而和惠年及初筭甫歸於我

內則曰十有五年而笄

執

箕帚奉舅姑人不間於娣如妾媵之年閨門之內穆如

也故宗黨推其令問鄉閭以為美談

周禮二十五家為閭四閭為黨五族

為黨五黨為州五州為鄉

東平公守清白之基逢太平之日

東平本漢時國

漢書地理志云故梁國宣帝甘露二年為東平國

辟命交至聲聞於天

詩小雅鶴鳴之

詞集作也制詔

徵尚書郎遷御史中丞出為棣曹恒常四州

刺史

楊常州墓誌云詔徵尚書郎御史中丞嘗謫直有王臣之節尋以公事去官復拜饒州括州越州

都督三州長史在會稽引陂水溉田數十頃人獲其利於今稱之為遷棣曹恒常四州刺史歷政清白為當時

所夫人輔佐君子聿修內政平旦纒笄則有君臣之嚴

沃盥饋食則有父子之敬報友而行則有兄弟之道受

期必誠則有朋友之信其婦德也如此

高誘淮南注云旦明平旦也內

則曰婦事舅姑難初鳴咸盥漱櫛縱并總衣紳鄭注云縱髻髮者也又士冠禮注云纓一幅長六尺足以髻髮

而結之矣又內則云進盥少者奉漿長者奉水請沃盥盥卒授巾鄭康成曰姊如猶兄弟也

歷職中

外聲名藉甚和其琴瑟正其邦家者夫人與有力焉蓋

嘗喟然而言曰古者卿之內子為大帶命婦成祭服社

而獻功可不勗哉可不勗哉

禮器曰太廟之內敬矣君親制祭夫人薦盥君親割

牲夫人薦酒卿大夫從君命婦從夫人

由是服澣濯之衣躬紡績之事

葛

詩序曰服浣濯之衣鄭箋曰澣謂濯之耳衣謂襜以下至祿衣列女傳仲尼曰季氏之婦不淫矣詩曰婦無公

事休其蠶織言婦人以織績為事休之非禮也
筐筥錡釜之器見左傳所以執其

勞蘋蘩藟藻之菜

見左傳

所以明其德

左傳杜注曰方曰筐圓曰筥無足曰

釜有足曰錡筥丘方反筥九呂反錡其錡反筐筥皆器也蘩大芥也蘩藟藟藟聚藟也蘩紆粉反芥蒲丁反

皤蒲多反

白蒿也

非夫博文達禮貞婉聽從者孰能與於此乎

內則曰姆教婉婉聽鄭注云婉謂言語也婉之言媚謂容貌也婉紆晚反

及公乞骸告老退

歸初服夫人年踰耳順視聽不衰每獻歲發春日南長

至

楚辭曰獻歲發春兮泊吾南征左傳莊二十九年曰日南而畢杜預曰日南至微陽始動故土功息又僖

五年傳曰五年春王正月辛亥朔日南至杜云周正月十一月冬至之日日南極正義曰日之行天有南有北

常立八尺之表以候景之短長夏至之景尺有五寸日
最長而景最短是謂日比至也自是以後日稍近南冬
至之景一丈三尺日最短而景最長是謂日南至也冬
至者十一月之中氣中氣者月半之氣也月朔而得中
氣是必前月閏月全曰仲夏之月日長至正義曰長至
者謂此月之時日長之至極太史漏刻夏至晝滿六十
五刻夜滿三十五刻是日長至也 羣從子弟稱觴上壽者動至數十百

集無此字

未嘗不勸

一作歡

言善誘借以溫顏侃侃焉閭閻焉

有孟母之風焉有敬姜之誨焉

公乞骸至誨焉州墓誌云於是覽先賢

楊常

之言知止足之分罷歸初服告老私庭乃率羣從子弟
營別業於宜城神鄉之望仙里其制宅也宗廟為先廡
庫為後喟然而言曰古人所謂教于斯聚國族于斯者
吾知之矣劉向列女傳曰鄒孟軻之母號孟母孟子長

學六藝成大儒之名君子謂孟母善以漸化謂孟母知人母之道謂孟母知禮而明于姑母之道謂孟母知婦道又曰魯季敬姜莒女也號戴已魯大夫公文穆伯之妻文伯之母季康之從祖叔母也博達知禮穆伯先死敬姜守養文伯備于教化維永淳元年秋八月旁死魄寢疾彌留終

於華陰之望仙里享年八十有一

按楊常州墓誌公以文明元年夏四月薨

于正寢春秋八十有五此云夫人以永淳元年終永淳二年高宗崩太子立為弘道元年弘道二年改朔元年

二月天后廢帝為廬陵王立豫章王為帝改元文明夫人先公二年卒尚書武成曰惟一月壬辰旁死魄孔傳曰旁近也月二日死魄正義曰朔是死魄故月二日近死魄魄者形也謂月之輪郭無光之處名魄也朔後明生而魄死望後明死而魄生律歷志云死魄朔也生魄望也顧命云惟四月哉生魄傳云始生魄月十六日也月十六者為始生

魄是一日為始死魄二日近死魄也按冬十一月一日此知夫人以永淳元年八月二日卒也

丙辰遷窆於永豐鄉之平原從先兆也

楊常州墓誌云越垂拱元年春

二月某日與夫人隴西李氏合葬於某原遠近會葬千餘人操筆而為誄者以百數蓋遷窆也此云永淳之冬

時東平公高存矣東平公撫存懷舊用痛悼於厥心遠近咸集

宗親畢會生祭死哀其此之謂矣是日也皇太子監守

長安烟忝為詹事司直

按此知為楊炯之作也舊唐書楊炯傳云炯俄遷詹事司直按

傳儀鳳中授此職此云永淳之冬炯已為詹事司直矣左傳里克曰太子奉冢祀社稷之粢盛以朝夕視君膳者也故曰冢子君行則守有守則從從曰撫軍守曰監國古之制也漢書曰詹事秦官掌皇太子家不獲

就展

集作展哀

喪次陪奉靈輅

儀禮鄭注云次倚廬也說文曰輅喪車也

薦李

顯之文庶同潘岳之誄

隋書經籍志有晉李顯集十卷錄一卷晉書潘岳辭藻絕麗尤

善為哀珠之文嗚呼哀哉乃為銘曰

高岳之上浮雲翔兮函谷之外直氣揚兮

言李氏為西州右姓也高

嶽謂西嶽也

隴右在西皆西嶽所鎮函谷關名鹽鐵論云秦左穀函右隴阨西都賦云左據函谷二嶂之阻右

界褒斜隴首之險是隴坻在函谷之西也

建功北狄討西羌兮受封南鄭家

素昌兮

建功北狄討西羌者言涼武昭王為鎮西將軍領護西尼校尉推為涼公遂據河右也受封南

鄭家素昌者言涼後主歆字士景子重耳國亡奔宋為汝南太守後魏安南將軍豫州刺史也素昌地名即狄

道注見本序言家于隴西狄道也

於赫祖考為龍先兮牧州典郡佩銀

黃兮

謂祖充穎考玄明竝為刺史也詩云為龍為先漢書百官公卿表曰綏和元年改刺史為牧銀印青

綏云銀黃者銀謂印黃謂綏也漢官儀綏有黃赤絳綠五米漢名臣奏云大司空朱浮奏曰乘輿綏五米何黃

多也可更用赤練為地

降生淑質秉禎祥兮苔華蕭茂蘭若芳兮

言大人也

我有懿德如珪璋兮求之卜筮鳴鳳凰兮詩云

好是懿德又云如珪如璋左氏傳曰初懿氏卜妻敬仲其妻占之曰吉是謂鳳凰于飛其鳴錡錡

君子

至止玉環鏘兮室家好合琴瑟張兮

詩云君子至止說文曰環璧也肉好

若一謂之環詩云妻子好合如鼓瑟琴又云宜爾室家

執其麻枲供衣裳兮羞其

饋食澄酒漿兮

禮記內則曰執麻枲治絲繭織紵組紃學女事以共衣服觀於祭祀納酒漿遵

豆菹醢禮相助奠枲思里反紃音巡正義曰麻枲以下為婦功也

諸姑伯姊穆温良兮

姨如叔妹歡未央兮公之出門牧守四方兮夫人之化

德洋洋兮

言東平公為刺史夫人修其內政也

公之告老返維桑兮闔門

之內道彌彰兮

言東平公乞骸歸里夫人敦睦親族也

正月上日南至長

兮子孫歡慶各稱觴兮

尚書曰正月上日受終于文祖禮傳曰上日朔日也按東平公

無子此云子孫謂諸子諸孫即羣從子弟也楊常州墓誌云一子令珍早亡朝夕温清者四女公慨然有喪明

之痛因不豫遂留遺命以弟之子神毅為後

宋公集作

孟母魯季姜兮匪怒

伊教由舊章兮

宋公疑謂宋恭公之妻宋伯姬也列女傳曰伯姬者魯宣公之女成公之妹也

其母曰繆姜嫁伯姬于宋恭公三月廟見伯姬以恭公不親迎不肯聽命宋人告魯魯使李壬子如宋致命于

伯姬既嫁十年恭公卒嘗夜遇火保傅未至守義而死孟母季姜注見本序匪起伊教者如宋姬之疾不親迎


孟母之以刀斷織季姜之戒淫慎微方期高舉登紫房

兮誰謂不宜集作掩玄堂兮清虛真人歌曰凝神泥丸

詩曰杳杳三泉肅肅松檟鬱成行兮沉沉厚夕集作終

不暘兮任昉范始興表云松檟成行左氏傳曰惟是春

理也窀張倫反一徒門反窆音夕



庚子山集卷十六